



舊五代史卷一百一

宋薛居正等撰

漢書第三

隱帝紀上

隱皇帝諱承祐高祖第二子也母曰李太后以唐長興二年歲在辛卯三月七日生帝於鄴都之舊第高祖鎮太原署節院使累官至檢校尚書右僕射國初授左衛大將軍檢校司空遷大內都點檢檢校太保乾祐元年正月二十七日高祖崩祕不發喪二月辛巳授特進檢校太尉同平章事封周王宣制畢有頃召文武百寮赴萬歲殿內降大行皇帝遺制云周王承祐可於柩前卽皇帝位服紀日月一依舊制是日內外發哀成服初高祖欲改年號中書門下進擬乾和二字高祖改爲乾祐至是與御名相符甲申羣臣

上表請聽政詔答不允凡四上表從之丁亥帝于萬歲殿門東廡下見羣臣尊母后曰皇太后己丑徐州節度使王周卒庚寅以前晉州畱後劉在明爲鎮州畱後幽州馬步軍都部署加檢校太尉是日工部尙書龍敏卒壬辰右衛大將軍王景崇奏于大散關大敗蜀軍俘斬三千人初契丹犯京師侯益趙贊皆受其命節制岐蒲聞高祖入洛頗懷反仄朝廷移贊于京兆侯益與贊皆求援于蜀蜀遣何建率軍出大散關以應之至是景崇糾合岐雍邠涇之師以破之癸巳制大赦天下自乾祐元年二月十三日昧爽已前所犯罪人已結正未結正已發覺未發覺常赦所不原者咸赦除之中外文武臣僚並與加恩馬步將士各賜優給唐晉兩朝求訪子孫立爲二王後云丙午鳳翔巡檢使王景崇遣人送所獲僞蜀將校軍士四百三十八人至闕下詔釋之仍各賜衣服以兵部侍

郎張允爲吏部侍郎以工部侍郎司徒詡爲禮部侍郎丁未以光祿卿李式爲尙書右丞以禮部侍郎邊歸讓爲刑部侍郎以刑部侍郎盧價爲兵部侍郎三月甲寅帝始御廣政殿羣臣起居殿中少監胡崧上言請禁砍伐桑棗爲薪城門所由專加捉搦從之丙辰鄴都留守太尉中書令臨清王高行周進封鄴王北京留守檢校太尉同平章事劉崇領宋州節度使兼侍衛親軍馬步軍都指揮使檢校太尉同平章事史宏肇竝加檢校太師兼侍中前邢州節度使安叔干以太子太師致仕戊午以右諫議大夫于德辰爲兵部侍郎庚申河中節度使檢校太師兼中書令李守貞加守太傅進封魯國公襄州節度使檢校太師兼中書令號國公安審琦加守太保進封齊國公兗州節度使檢校太師兼侍中岐國公符彥卿加兼中書令進封魏國公許州節度使兼侍衛親軍副都指

揮使檢校太尉同平章事劉信加檢校太師壬戌以宰臣竇貞固
為山陵使吏部侍郎段希堯為副使太常卿張昭為禮儀使兵部
侍郎盧價為鹵簿使御史中丞邊蔚為儀仗使丙寅以前鳳翔節
度使兼西南面兵馬都部署檢校太師兼侍中侯益為開封尹加
兼中書令宋史侯益傳益率數十騎奔入朝隱帝遣侍臣問益連結蜀軍之由益對曰臣欲
誘之出關掩殺之耳隱帝笑之益厚賂史宏肇輩言王景崇之橫恣請權貴深庇
護之乃授以開封尹兼中書令西京留守檢校太師平章事莒國公李從敏夏州節度
使檢校太師同平章事李彝殷竝加兼侍中青州節度使檢校太
尉同平章事劉錡鄆州節度使檢校太尉同平章事慕容彥超竝
加檢校太師詔改廣晉府為大名府晉昌軍為永興軍戊辰靈州
節度使檢校太師同平章事馮暉加兼侍中河陽節度使武行德
滄州節度使王景華州節度使侯章晉州節度使王晏竝依前檢
校太尉加同平章事庚午涇州節度使史懿潞州節度使常思同

州節度使張彥威延州節度使高允權竝依前檢校太尉加同平
章事澶州節度使郭崇義邢州節度使薛懷讓竝自檢校太傅加
檢校太尉以前奉國右廂都指揮使王饒為鄜州留後甲戌以邠
州節度使檢校太尉同平章事王守恩為永興軍節度使加檢校
太師以滑州節度使檢校太尉郭謹為邠州節度使以前鎮州留
後檢校太傅白再鈞為滑州節度使加檢校太尉以陝州節度使
檢校太尉同平章事趙暉為鳳翔節度使以前河中節度使檢校
太尉同平章事白文珂為陝州節度使殿中監任延浩配流鄜州
坐為劉崇所奏故也丙子鄧州節度使劉重進相州節度使王繼
宏安州節度使楊信竝自檢校太傅加檢校太尉以鎮州留後兼
幽州一行馬步軍都部署檢校太傅劉在明為鎮州節度使加檢
校太師部署如故貝州節度使檢校太傅李殷加檢校太尉定州

節度使檢校太尉孫方簡府州節度使檢校太傅折從阮竝加檢校太師丁丑中書侍郎兼戶部尚書平章事李濤罷免勒歸私第時蘇逢吉等在中書樞密使楊邠副樞密使郭威等權勢甚盛中書每有除授多為邠等所抑濤不平之因上疏請出邠等以藩鎮授之樞密之務宜委逢吉禹珪疏入邠等知之乃見太后泣訴其事太后怒濤由是獲譴先是中書厨釜鳴者數四未幾濤罷免西道諸州奏河中李守貞謀叛發兵據潼關夏四月辛巳陝州兵馬監押王玉奏收復潼關定州孫方簡奏三月二十七日契丹棄定州遁去壬午以樞密使楊邠為中書侍郎兼吏部尚書平章事使如故以副樞密使郭威為樞密使加檢校太尉三司使王章加檢校太尉同平章事鄧州刺史尹寶奏荆南起兵在境上欲攻城是日以澶州節度使郭從義為永興軍一行兵馬都部署時供奉官

計之在... 兵軍將... 非四月... 仲春...

時知化王益自鳳翔部署前永興節度使趙贊部下牙兵趙思綰等三百餘人赴闕三月二十四日行次永興思綰等作亂突入府城據城以叛故命從義帥師以討之甲申王景崇奏趙思綰叛見起兵攻討丁亥幸道宮佛寺禱雨戊子東南面兵馬都元帥兩浙節度使檢校太師兼中書令吳越國王錢宏侖加諸道兵馬都元帥天策上將軍湖南節度使檢校太師兼中書令楚王馬希廣加守中書令以陝州節度使白文珂為河中府城下一行都部署庚寅宰臣竇貞固蘇逢吉蘇禹珪並進封開國公辛卯削奪李守貞在身官爵甲午以翰林學士承旨戶部侍郎王仁裕為戶部尚書以翰林學士左散騎常侍張洸為工部尚書以翰林學士中書舍人范質為戶部侍郎以樞密直學士尚書比部員外郎王度為祠部郎中竝依前充職以侍衛步軍都指揮使尚洪遷充西南面行

營都虞候以客省使王峻為西南面行營兵馬都監戊戌以宣徽南院使扈彥珂為左金吾上將軍庚子以左金吾大將軍充兩街使檢校太傅劉承贊為徐州節度使甲辰以宣徽北院使薛可言為右金吾上將軍以皇城使李暉為宣徽南院使乙巳定州節度使孫方簡奏復入于本州初方簡為狼山寨主叛晉歸契丹及契丹降中渡之師乃以方簡為定州節度使契丹主死永康王嗣位即以蕃將耶律忠代之移方簡為雲州節度使方簡不受命遂歸狼山高祖至闕方簡歸款復以中山命之是歲三月二十七日契丹棄定州墮城壁焚室廬盡驅人民入蕃惟餘空城瓦礫而已至是方簡自狼山回保定州是月河決原武縣河北諸州旱徐州餓死民九百三十有七五月己酉朔國子監奏周禮儀禮公羊穀梁四經未有印板欲集學官考校彫造從之己未回鶻遣使朝貢丁

卯前翰林學士徐台符自幽州逃歸乙亥河決滑州魚池六月戊寅朔日有食之庚辰以內客省使王峻為宣徽北院使依前永興城下兵馬都監以冀州牢城指揮使張廷翰為冀州刺史時廷翰殺本州刺史何行通自知州事故有是命甲申以皇弟右衛大將軍勳為興元節度使檢校太尉同平章事豐州節度使郭勳加檢校太師辛卯永興兵馬都部署郭從義奏得王景崇報有兵自隴州來欲投河中追襲至鄜城荆南節度使高從誨上表歸命從誨嘗拒朝命至是方遣牙將劉扶詣闕請罪丙申鎮州奏節度使劉在明卒戊戌以河陽節度使武行德為鎮州節度使以宣徽南院使李暉為河陽節度使以相州節度使王繼宏為貝州節度使壬寅荆南高從誨入貢謝恩釋罪丙午以前永興軍節度使王守恩為西京留守是月河北旱青州蝗秋七月戊申朔相州節度使王

繼宏殺節度判官張易以訛言聞是時法尚深刻藩郡凡奏刑殺不究其實卽順其請故當時從事鮮賓客之禮重足一跡而事之猶不能免其禍焉王子以工部侍郎李穀充西南面行營都轉運使乙卯禮儀使張昭上高祖廟尊號獻舞名并歌辭舞曲請以觀德爲名歌辭不錄丙辰以久旱幸道宮佛寺禱雨是日大雨開封言陽武雍邱襄邑三縣蝗爲鸚鵡聚食詔禁捕鸚鵡庚申樞密使郭威加同平章事辛酉滄州上言自今年七月後幽州界投來人口凡五千一百四十七北土饑故也乙丑以宣徽北院使王峻爲宣徽南院使以內客省使吳虔裕爲宣徽北院使戊辰以遂州節度使兼侍衛親軍馬軍都指揮使李洪信爲澶州節度使以澶州節度使郭從義爲永興軍節度使兼行營都部署庚午故兵部尙書李懌贈尙書左僕射鎮州奏準詔處斬節度副使張鵬訖鵬以

府本有

序刻徽

帝制下 案詳史周太祖紀云七月西南郡大旱未果遂一取其月十一日則按李同平章事史中道品姑唐紀則周紀以七月唐中加同平章李八月壬申命許何中府軍前非一事也詳史三紀前後相才盾防焉史漢周本紀云何中詳史三傳未詳考考一也館定校詳史漢本紀

一言之失爲鄴帥高行周所奏故命誅之乙亥新授鳳翔節度使趙暉奏與八作使王繼濤領部下兵同赴鳳翔時王景崇拒命故也八月己卯以華州節度使侯章爲邠州節度使以左金吾上將軍扈彥珂爲華州節度使壬午命樞密使郭威赴河中府軍前詔河府永興鳳翔行營諸軍一稟威節制時李守貞王景崇趙思綰連衡作叛朝廷雖命白文珂常思攻討河中物議以二帥非守貞之敵中外憂之及是命之降人情大愜癸巳以奉國左廂都指揮使閬州防禦使劉詞爲夔州節度使充侍衛步軍都指揮使兼河中行營都虞候以護聖左廂都指揮使岳州防禦使李洪義爲遂州節度使充侍衛馬軍都指揮使乙未兩浙節度使檢校太尉兼侍中吳越國王錢宏俶加檢校太師兼中書令東南面兵馬都元帥宏俶故吳越王元瓘之子也先是其兄宏侗襲父位尋爲部下

所廢以宏俶代之故特加是命焉新授鳳翔節度使趙暉奏部署
兵士赴鳳翔城下癸卯郭威奏今月二十三日大軍已抵河府賊
城至二十六日開長連塹畢築長連城次九月戊申侯益部曲王
守筠自鳳翔來奔言益家屬盡爲王景崇所害王子郭威奏破河
府賊軍於城下甲寅故夔州節度使兼侍衛步軍都指揮使尙洪
遷贈太尉乙丑雪書不時也戊辰鳳翔都部署趙暉奏大破川軍
于大散關殺三千餘人其餘棄甲而遁隆平集藥元福從趙暉進討兵單寡數倍他將皆爲卻元福擁數百騎獨出令
曰敢回頭者斬眾効死以戰遂有成功壬申郭威奏得郭從義報今月十四日鳳翔王景
崇兵士離本城尋遣監軍李彥從率兵襲至法門寺西殺戮二千
餘人詔陞河中府解縣爲解州冬十月丙子朔山陵使竇貞固上
大行皇帝陵名曰睿陵從之丁丑夕歲星入太微戊寅趙暉奏破
王景崇賊軍于鳳翔城下甲申吐蕃遣使獻方物丙戌右羽林將

軍張播停任坐檢田受請託也丁亥中書舍人張誼責授房州司
戶兵部郎中馬承翰責授慶州司戶並員外置所在馳驛發遣先
是誼與承翰俱銜命于兩浙覩其驕僭之失形于譏誚兼乘醉有
輕肆之言錢宏俶恥之撫其過以奏之朝廷以方務懷柔故有是
命甲辰延州奏夏州李彝殷先出兵臨州境欲應接李守貞今卻
抽退十一月甲寅誅太子太傅李崧及其弟司封員外郎嶼國子
博士義夷其族爲部曲誣告故也詔曰稔惡圖危難逃天網虧忠
負義必速神誅李崧頃在前朝最居重位略無裨益遂至滅亡及
事契丹又爲親密士民俱憤險佞可知先皇帝含垢掩瑕推恩念
舊擢居一品俾列三師不謂潛有包藏謀危社稷散差人使潛結
奸兇附近山陵擬爲叛亂按其所告咸已伏辜宜正典章用懲奸
逆其李崧李嶼李義一家骨肉及同謀作亂人並從極法云庚申

舊五代史 卷一百一
大行皇帝靈駕進發辛酉荆南奏節度使高從誨卒壬申葬高祖
皇帝于睿陵十二月丁丑荆南節度副使檢校太傅行峽州刺史
高保融起復授荆南節度使檢校太尉同平章事渤海郡侯壬午
帝被袞冕御崇元殿授六廟寶冊正使宰臣蘇禹珪使副太府卿
劉暉赴西京行禮兗州奏淮賊先于沂州界立柵前月十七日已
歸海州為李守貞牽制也南唐書嗣主六年李守貞遣使事宋元李平奉表來乞師
以潤州李金全為西面行營招撫使壽州劉彥貞為副諫
議大夫查文徽為監軍使兵部侍郎魏岑為沿淮巡撫使聞河中平遠班
師又李金全傳云出師沐陽諸將銳于進取金全獨以為遠不相及乃止庚寅奉高祖神
主于西京太廟淮南偽主李璟奉書于帝云先因河府李守貞求
援又聞大國沿淮屯軍當國亦于境上防備昨聞大朝收軍當國
尋已徹備其商旅請依舊日通行朝廷不報辛卯羣臣上表請以
三月九日誕聖日為嘉慶節從之延州節度使高允權奏得都頭
李彥李遇等告太子太師致仕劉景巖與鄉軍指揮使高志結集

草寇欲取臘辰窺圖州城尋請使臣與指揮使李勳聊將兵士巡
檢偵邏劉景巖果出兵鬪敵時即殺敗其劉景巖尋獲斬之詔曰
劉景巖年已衰暮身處退閒曾無止足之心輒肆包藏之毒結集
徒黨窺伺藩垣所賴上將輸忠三軍協力盡除醜類克殄渠魁其
劉景巖次男前德州刺史行琮已行極法長男渭州刺史行謙孫
男邢州馬軍指揮使崇勳特放是冬多昏霧日晏方解

二十日初百三五

舊五代史卷一百一攷證

漢隱帝紀上三月二十四日行次永興思綰等作亂突入府城據城以叛案歐陽史云四月壬午永興軍將趙思綰叛附于李守貞據是書趙思綰據城叛在三月非四月事五代春秋通鑑俱從是書

八月壬午命樞密使郭威赴河中府軍前案是書周太祖紀云七月西面師徒大集未果進取其月十三日制授帝同平章事即遣西征據此紀則周太祖以七月庚申加同平章事八月壬午命赴河中府軍前非一時事也二紀前後自相矛盾歐陽史漢周本紀亦各仍是書之舊未能參考畫一通鑑定從是書漢紀

舊五代史卷一百一攷證

舊五代史卷一百一

宋薛居正等撰

漢書第四

隱帝紀中

乾祐二年春正月乙巳朔制曰朕以眇躬獲纘洪緒念守器承祧之重懷臨深履薄之憂屬以天道猶艱王室多故天降重戾國有大喪奸臣樂禍以圖危羣寇幸災而伺隙力役未息兵革方殷朕所以嘗膽履水廢殮輟寐雖居億兆之上不以九五為尊漸冀承平永安遐邇內則稟太后之慈訓外則仗多士之忠勳股肱叶謀爪牙宣力西摧三叛撫其背而扼其喉北挫諸蕃斷其臂而折其脊次則巴邛嘯聚淮海猖狂纔聞矢接鋒交已見山摧岸沮寇難少息師徒無虧兼以修奉園陵崇建宗廟右賢左戚同寅協恭多

事之中大禮無闕負荷斯重哀感良深今以三陽布和四序更始宜申兌澤允答天休卹獄緩刑赦過宥罪當萬物之孝甲開三面之網羅順彼發生以召和氣應乾祐二年正月一日昧爽已前天下見禁罪人除十惡五逆官典犯賊合造毒藥劫家殺人正身外其餘並放河府李守貞鳳翔王景崇永興趙思綰等比與國家素無讎讐偶因疑懼遂至叛違然以彼之生靈朕之赤子久陷孤壘可念非辜易子析骸填溝委壑爲人父母寧不軫傷但以屈己愛人先王厚德包垢含辱列聖美談宜推濟物之恩用廣好生之道其李守貞等宜令逐處都部署分明曉諭若能翻然歸順朕卽待之如初當保始終享其富貴明申信誓固無改移其或不順推誠堅欲拒命便可應時攻擊尅日盪平候收復城池罪止元惡其餘誑誤一切不問重念征討已來勞役滋甚兵猶在野民未息肩急

賦繁徵財殫力匱矜卹之澤未被于疲羸愁嘆之聲幾盈于道路卽俟邊鋒少弭國患漸除當議優饒冀獲蘇息諸道藩侯郡守等咸分委任共體憂勞更宜念彼瘡痍倍加勤卹究鄉閭之疾苦去州縣之煩苛勸課耕桑省察寃濫共恢庶政用副憂勞凡百臣寮當體朕意王子賜前昭義軍節度使張從恩衣一襲金帶鞍馬綵帛等時有投無名文字誣告從恩者故特有是賜以安其心乙卯河府軍前奏今月四日夜賊軍偷斫河西寨捕斬七百餘級時蜀軍自大散關來援王景崇郭威自將兵赴岐下將行戒白文珂劉詞等曰賊之驍勇並在城西慎爲傲備旣行至華州聞川軍退敗且憂文珂等爲賊奔突遂兼程而迴賊城內偵知郭威西行于正月四日夜遣賊將王三鐵等宋史王繼勳傳繼勳有武勇在軍陣當用鐵鞭鐵槊鐵鎗軍中目爲王三鐵率驍勇千餘人沿流南行坎岸而登爲三道來攻賊軍已入王師若中劉詞

極力拒之短兵既接遂敗之二月丙子詔諸道州府所征乾祐元年夏秋苗畝上紐征白米稗草已納外並放是日且黑霧四塞丁丑夕大風乙酉以前房州刺史李筠夫爲鴻臚卿戊子前右監門將軍喬達及其兄契丹僞命客省使榮等皆棄市達李守貞之妹壻也故皆誅之庚寅徐州巡檢使成德欽奏至峒崕鎮遇淮賊破之殺五百人生擒一百二十人戊戌大雨霖庚子詔左諫議大夫賈緯等修撰高祖實錄三月丙辰以北京衙內指揮使劉鈞爲汾州防禦使夏四月丙子以荆南節度行軍司馬武泰軍節度留後王保義爲檢校太尉領武泰軍節度使行軍如故丁丑潁州獻紫兔白兔是月幽定滄貝深冀等州地震辛巳太白經天辛丑幸道宮禱雨五月甲辰朔故湖南節度使檢校太尉兼中書令扶風郡公贈太師馬希聲追封衡陽王戊申以前邠州節度使安審約爲

左神武統軍以前洛京副留守袁義爲右神武統軍乙卯河府軍前奏今月九日河中節度副使周光遜棄賊河西寨與將士一千一百三十人來奔己未右監門大將軍許遷上言奉使至博州博平縣界觀蝻生彌亘數里一夕並化爲蝶飛去辛酉兗鄆齊三州奏蝻生乙丑永興趙思綰遣牙將劉成詣闕乞降制授趙思綰華州節度留後檢校太保以永興城內都指揮使常彥卿爲虢州刺史丁卯宋州奏蝗抱草而死己巳湖南奏蠻寇賀州遣大將軍徐進率兵援之戰于風陽山下大敗蠻獠斬首五千級六月癸酉朔日有食之兗州奏捕蝗二萬斛魏博宿三州蝗抱草而死乙亥潁州獻白鹿戊寅安州節度使楊信奏亡父光遠蒙賜神道碑鐫勒畢無故中斷詔別令斷石鐫勒己卯滑濮澶漕兗淄青齊宿懷相衛博陳等州奏蝗分命中使致祭于所在川澤山林之神開封府

滑漕等州蝗甚遣使捕之宋史段思恭傳隱帝雖詔徧祈山川思恭上言救過宥罪

無致淹濫必壬午月犯心星辛卯回鶻遣使貢方物丙申改商州乾

元縣為乾祐縣隸京兆府是月邠寧澤潞涇延鄜坊晉絳等州旱

秋七月辛亥湖南奏析長沙縣東界為龍喜縣從之丙辰樞密使

郭威奏收復河府羅城李守貞退保子城丁巳永興都部署郭從

義奏新除華州留後趙思綰自今月三日授華州留後準詔赴任

三移行期仍要鎧甲以給牙兵及與之竟不遵路至九日又有部

曲曹彥進告思綰欲于十一日夜與同惡五百人奔南山入蜀是

日詰旦再促上路云俟夜進途臣等與王峻入城分兵守四門其

趙思綰部下軍各已執帶遂至牙署令趙思綰至則執之與一行

徒黨並處置訖甲子樞密使郭威奏收復河中府逆賊李守貞自

燔而死丙寅以權涼州留後折連嘉施為河西軍節度留後兗州

奏捕蝗二萬斛丁卯前洛州團練使武漢球卒戊辰永興軍節度

使兼兵馬都部署郭從義加同平章事徙華州節度使郭從義奏

處斬前巡檢使喬守溫供奉官王益時知化任繼勳等守溫受高

祖命巡檢京兆會王益自鳳翔押送趙思綰等赴闕行至京兆守

溫迎益于郊外思綰等突然作亂遂據其城及郭從義率兵攻討

令守溫部署役夫守溫有愛姬陷在賊城為思綰所錄及收城從

義盡得思綰之婢僕守溫求其愛姬從義雖與之意有所慊遂發

前罪密啓于郭威請除之與王益等併誅焉兗州奏捕蝗四萬斛

壬午西京留臺侍御史趙礪彈奏太子太保王延太子洗馬張季

凝等自去年五月後來每稱請假俱是不任拜起詔延等宜以本

官致仕甲申以陝州節度使充河中一行兵馬都部署白文珂為

西京留守加兼侍中潞州節度使充河中一行副部署常思加檢

聖紀下 李致為文作七月丁巳郭威
封華州留後趙思綰于京兆蓋以
郭從義等請命于郭威始詔思
綰以郭威事殺文又從以奉同
思綰等殺文也而從從中思綰
思綰等中出誠受詔于郭威
與從義會為得其意
石記下 李致為文作七月丁巳
郭威封華州留後趙思綰于京兆
蓋以郭從義等請命于郭威始
詔思綰以郭威事殺文又從以
奉同思綰等殺文也而從從中
思綰等中出誠受詔于郭威
與從義會為得其意

校太師以右散騎常侍盧撰爲戶部侍郎致仕辛卯右拾遺高守瓊上言任官年未三十請不除授縣令詔起今後諸色選人年及七十者宜注優散官年少未歷資考者不得注擬縣令癸巳以翰林學士工部尙書張沆爲禮部尙書沆卜葬先人以內署無例乞假乃上章請解職以赴葬事遂落職以遣之乙未宣徽南院使永興行營兵馬都監王峻宣徽北院使河府行營兵馬都監吳虔裕並加檢校太傅九月乙巳樞密使郭威檢校太師兼侍中宋州節度使兼侍衛親軍都指揮使史宏肇加兼中書令初郭威平河中迴朝廷議加恩威奏曰臣出兵已來輦轂之下無犬吠之憂俾臣得專一其事軍旅所聚貲糧不乏此皆居中大臣鎮撫謀畫之功也臣安敢獨擅其美乎帝然之于是宏肇與宰相樞密使三司使次第加恩既而諸大臣以恩之所被皆朝廷親近之臣而宗室劉

信及青州劉銖等皆國家元勳必有不平之意且外慮諸侯以朝廷有私于親近也于是議及四方侯伯普加恩焉丙午西京留守判官時彥澄推官姜蟾少尹崔淑並免居官坐不隨府罷職爲留臺侍御史趙礪所彈也已酉以左千牛上將軍孫漢贇爲絳州刺史禮部尙書判吏部尙書銓事王松停見任坐子仁寶爲李守貞從事也尋卒于其第辛亥宰臣竇貞固加守司徒蘇逢吉加守司空蘇禹珪加左僕射楊邠加右僕射依前兼樞密使太子太師致仕皇甫立卒癸丑三司使王章加邑封乙卯鄴都高行周加守太師襄州安審琦加守太傅兗州符彥卿加守太保北京劉崇加兼中書令丁巳澶州李洪信移鎮陝州以侍衛馬軍都指揮使遂州節度使李洪義爲澶州節度使己未許州劉信加兼侍中開封尹侯益進封魯國公鄆州慕容彥超青州劉銖並加兼侍中湖南

唐史後不詳也源為利州節度使於前未見王高傳宗心計運碑云少帝劉統授檢校太尉使持節利州軍事行利州刺史充武軍中使利州已長守州觀察使置守使蓋追原于元年此錄利州二年後改錄也詳史未及詳哉

馬希廣奏於八月十八日大破朗州馬希萼之眾辛酉靈州馮暉夏州李彝殷並加兼中書令右衛將軍石懿左武衛將軍石訓並停任懿等以八月中秋享晉五廟命倡婦宿于齋宮鴻臚寺劾之故有是責癸亥鎮州武行德鳳翔趙暉並加檢校太師鄴都磁相邢洺等州奏霖雨害稼西京奏洛水溢岸乙丑晉州王晏同州張彥贇邠州侯章涇州史懿滄州王景延州高允權並加檢校太師冬十月庚午朔契丹入寇是日定州孫方簡徐州劉贇並加同平章事以利州節度使宋延渥為滑州節度使甲戌皇弟興元節度使勳加檢校太師丙子相州郭謹貝州王繼宏邢州薛懷讓並加檢校太尉庚辰安州楊信鄧州劉重進加檢校太師河陽李暉加檢校太傅壬午兩浙錢宏俶加守尚書令湖南馬希廣加守太尉癸未監修國史蘇逢吉史官賈緯以所撰高祖實錄二十卷上之

傳本有劉字疑亦字

丙戌荆南高保融加檢校太師兼侍中以殿前都部署江州防禦使李建為遂州節度使充侍衛馬軍都指揮使以奉國左廂都指揮使永州防禦使王殷為夔州節度使充侍衛步軍都指揮使契丹陷貝州高老鎮南至鄴都北境又西北至南宮堂陽殺掠吏民數州之地大被其苦藩郡守將閉關自固遣樞密使郭威率師巡邊仍令宣徽使王峻參預軍事庚寅府州折從阮進封岐國公豐州郭勳進封虢國公十一月壬寅鄜州留後王饒加檢校太傅癸丑以吳越國王錢宏俶母吳氏為順德太夫人時議者曰封贈之制婦人有國邑之號死乃有謚后妃公主亦然唐則天女主自我作古乃生有則天之號韋庶人有順聖之號知禮者非之近代梁氏賜張宗奭妻號曰賢懿又改為莊惠今以吳氏為順德皆非古之道也乙卯以太府卿劉皞為宗正卿十二月庚午朔湖南奏靜

江軍節度使馬希贍以今年十月十八日卒廢朝二日辛未日暈
三重戊寅司徒門下侍郎平章事竇貞固奏請修晉朝實錄詔史
官賈緯竇儼王伸等修撰以禮部尙書張沆復爲翰林學士壬午
皇第二十一姊永寧公主進封秦國長公主潁州奏破淮賊于安
陽

宋史卷一百二十二

新本正
帝刻正

舊五代史卷一百二

舊五代史卷一百二攷證

漢隱帝紀中安州節度使楊信 案楊信本名承信在隱帝時避

御名去承字是書仍當時實錄之舊

丁巳永興都部署郭從義奏新除華州留後趙思綰與一行徒黨
並處置訖 案歐陽史作郭威殺華州留後趙思綰于京兆蓋

威命從義圖之耳

甲子樞密使郭威奏收復河中府逆賊李守貞自燔而死 案通

鑑壬戌李守貞自焚死歐陽史作甲子克河中祇以奏聞之日

爲據也五代春秋繫于六月殊誤

辛亥宰臣竇貞固加守司徒 案宋史竇貞固傳作隱帝卽位加

司徒考貞固加司徒在乾祐二年宋史作卽位所加蓋未詳考

以利州節度使宋延渥爲滑州節度使 案延渥爲利州節度使

于前未見王禹偁宋公神道碑云少帝嗣統授檢校太尉使持節利州諸軍事行利州刺史蓋延渥于元年出鎮利州二年復改鎮也是書未及詳載

舊五代史卷一百一

舊五代史卷一百三

宋薛居正等撰

漢書第五

隱帝紀下

乾祐三年春正月乙亥朔帝不受朝賀鳳翔行營都部署趙暉奏前月二十四日收復鳳翔逆賊王景崇舉族自燔而死丁未鳳翔節度使充西南行營都部署趙暉加兼侍中戊申密州刺史王萬敢奏奉詔領兵入海州界至荻水鎮俘掠焚蕩更請益兵詔前沂州刺史郭瓊率禁軍赴之庚午前永興軍節度副使安友規除名流登州沙門島先是友規權知永興軍府事及趙思綰之奔衝友規失守城池至是乃正其罪焉癸亥以前邠州節度使宋彥筠爲太子太師致仕丙辰分命使臣赴永興鳳翔河中收葬用兵已來

不死不案改易作正月而南行營都部署趙暉充鳳翔節度使則收復鳳翔日在二年三月非三年春也改易史蓋誤以告捷之月爲以後一月身五代春秋作十二月趙暉克鳳翔誅王景崇爲得其實

所在骸骨時已有僧聚髑髏二十萬矣前沂州刺史郭瓊奏部署
兵士深入海州賊界是月有狐登明德樓主者獲之狐毛長而腹
下別有二足二月辛巳青州奏郭瓊部署兵士自海州迴至當道
甲申樞密使郭威巡邊迴丁亥汝州防禦使劉審交卒乙未以前
安州節度使劉遂凝為左武衛上將軍以鄆州節度使焦繼勳為
左衛上將軍以前永興軍節度使趙贊為左驍衛上將軍三月己
亥徐州部送所獲淮南都將李暉等三十三人徇于市給衫帽放
還本土是月鄴都留守高行周兗州符彥卿鄆州慕容彥超西京
留守白文珂鎮州武行德安州楊信潞州常思府州折從阮皆自
鎮來朝嘉慶節故也戊午宴羣臣于永福殿帝初舉樂壬戌鄴都
高行周移鎮鄆州兗州符彥卿移鎮青州竝加邑封甲子西京留
守白文珂潞州常思鎮州武行德竝進邑封鄆州慕容彥超移鎮

晉山下 李泰史記紀 魏州
刺史史萬山在天祐三年 而漢
乾祐元年

兗州夏四月戊辰朔邢州薛懷讓移鎮同州相州郭謹河陽李暉
竝進邑封庚午府州折從阮移鎮鄧州辛未故青州刺史史萬山
贈太傅先是契丹入邊萬山城守郭威遣索萬進率騎七百屯深
州一日契丹數千騎迫州東門萬山父子率兵百餘人襲之契丹
偽退十餘里而伏兵發萬山血戰急請救于萬進萬進勒兵不出
萬山死之遼史世宗紀天祿三年
殺深州刺史史萬山契丹亦解去時論以萬進為罪故加萬
山贈典焉壬申華州劉詞移鎮邢州安州楊信移鎮鄆州貝州王
令溫移鎮安州竝加邑封以鄆州留後王饒為華州節度使以其
來朝故也丁丑尚食奉御王紹隱除名流沙門島坐匿軍營女口
也辛巳以宣徽北院使吳虔裕為鄭州防禦使時樞密使楊邠上
章乞解樞機帝命中使諭之曰樞機之職捨卿用誰忽有此章莫
有人離閒否虔裕在傍颺言曰樞密重地難以久處俾後來者迭

仍本在

居相公辭讓是也中使遣具奏帝不悅故有是命壬午以樞密使郭威鄴都留守依前樞密使詔河北諸州應兵甲錢帛糧草一稟郭威處分癸未府州永安軍額宜停命降爲團練州戊子翰林學士承旨戶部尙書王仁裕罷職守兵部尙書左千牛上將軍張瓌卒庚寅以西南面水陸轉運使尙書工部侍郎李穀爲陳州刺史左金吾上將軍致仕馬萬卒甲午以前華州節度使安審信爲左衛上將軍以前潞州節度使張從恩爲右衛上將軍五月戊戌朔帝御崇元殿受朝丙午以皇弟興元節度使勳爲開封尹加兼中書令未出閣甲子詔諸道州府差置散從官大府五百人上州三百人下州二百人勒本處團集管係立節級檢校教習以警備州城閏月癸巳京師大風雨壞營舍吹鄭門扉起十數步而墮拔大木數十震死者六七十人水平地尺餘池隍皆溢是月宮中有怪物

爲本有

投瓦石擊窓撼扉人不能制六月庚子以國子祭酒田敏爲尙書右丞癸卯太僕卿致仕謝攀卒輟視朝一日鄭州奏河決原武縣界乙卯司天臺上言鎮星逆行至太微左掖門外自戊申年八月十二日入太微西垣犯上將屏星執法勾已往來至己酉年十一月十二日夜方出左掖門順行自今年正月十日夜復逆行入東垣至左掖門秋七月庚午河陽奏河漲三丈五尺乙亥滄州奏積雨約一丈二尺安州奏溝河泛溢州城內水深七尺丙子帝御崇元殿授皇太后冊命宰臣蘇逢吉行禮辛巳三司使奏州縣令錄佐官請據戶籍多少量定俸戶縣三千戶已上令月十千主簿八千二千戶已上令月八千主簿五千二千戶已下令月六千主簿四千每戶月出錢五百竝以管內中等戶充錄事參軍判司俸錢視州界令佐取其多者給之其俸戶與免縣司差役從之八月辛

亥以蒙州城隍神爲靈感王從湖南請也時海賊攻州城州人禱于神城得不陷故有是請辛酉給事中陶穀上言請停五日內殿轉對從之壬戌以兵部侍郎于德辰爲御史中丞邊蔚爲兵部侍郎九月辛巳朗州節度使馬希萼奏請于京師別置邸院不允是時希萼與其弟湖南節度使希廣方構闖墻之怨故有是請帝以湖南已有邸務不可更置由是不允仍命降詔和解焉冬十月己亥帝狩于近郊丙午湖南馬希廣遣使上章且言荆南淮南廣南三道結構欲分割湖湘乞聊發兵師以爲援助時朝廷方議起軍會內難不果行丁未兩浙錢宏俶加諸道兵馬元帥戊申彰德軍節度使郭謹卒癸丑以前同州節度使張彥贇爲相州節度使辛酉月犯心大星十一月甲子朔日有食之乙丑永州唐將軍祠贈太保從湖南請也已巳日南至帝御崇元殿受朝賀仗衛如式辛

未詔侍衛步軍都指揮使王殷將兵屯澶州丙子誅樞密使楊邠侍衛都指揮使史宏肇三司使王章夷其族是日平旦甲士數十人由廣政殿出至東廡下害邠等于閤內死于亂刃之下又誅宏肇弟小底軍都虞候宏朗如京使甄彥奇內常侍辛從審楊邠子比部員外郎廷偁右衛將軍廷偉右贊善大夫廷倚王章姪右領衛將軍旻子壻戶部員外郎張貽肅樞密院副承宣郭纘控鶴都虞候高進侍衛都承局荆南金三司都勾官柴訓等分兵收捕邠等家屬及部曲兼從盡戮之少頃樞密承旨聶文進急召宰臣百寮班于崇元殿庭宣曰楊邠史宏肇王章等同謀叛逆欲危宗社竝斬之與卿等同慶班退召諸軍將校至萬歲殿帝親諭史宏肇等欲謀逆亂之狀且言宏肇等欺朕年幼專權擅命使汝輩常懷憂恐自此朕自與汝等爲主必無橫憂也諸軍將校拜謝而退召

前任節度使刺史統軍等上殿諭之帝遣軍士守捉宮城諸門比
近日旰朝臣步出宮門而去是日晴霽無雲而昏霧濛濛有如微
雨人情惴恐日將午載楊邠等十餘口分暴于南北市是日帝遣
腹心賫密詔往澶州鄴都令澶州節度使李洪義誅侍衛步軍都
指揮使王殷令鄴都屯駐護聖左廂都指揮使郭崇奉國左廂都
指揮使曹英害樞密使郭威及宣徽使王峻急召鄆州高行周青
州符彥卿永興郭從義兗州慕容彥超同州薛懷讓鄭州吳虔裕
陳州李穀等赴闕以宰臣蘇逢吉權知樞密院事前青州劉錡權
知開封府事侍衛馬軍都指揮使李洪建判侍衛司事內客省使
閻晉卿權侍衛馬軍都指揮使丁丑澶州節度使李洪義受得密
詔知事不克乃引使人見王殷殷與洪義遣本州副使陳光穗賫
所受密詔馳至鄴都宋史隱帝遣供奉官孟業齎密詔令洪義殺王殷洪義素性懦
慮殷覺遷延不敢發遂引業見殷殷乃銅業送密詔于周祖郭

仍本七

威得之即召王峻郭崇曹英及諸軍將校至牙署視詔兼告楊史
諸公冤枉之狀且曰汝等當奉行詔旨斷予首以報天子自取功
名郭崇等與諸將校前曰此事必非聖意即是李業等竊發假如
此輩便握權柄固得安平事可陳論何須自棄致千載之下被此
惡名崇等願從公入朝面自洗雪于是將校等請威入朝以除君
側之惡共安天下東都事略漢隱帝遣使害太祖魏仁浦曰公有大功于朝廷握強兵
臨重鎮以魏見疑豈可坐而待斃教以易其語云誅將士以激怒眾
宋延渥開門迎降是日詔前開封尹侯益前鄆州節度使張彥超
權侍衛馬軍都指揮使閻晉卿鄭州防禦使吳虔裕等率禁軍赴
澶州守捉辛巳帝之小豎鷲脫自北迴先是帝遣鷲脫偵鄴軍所
至為游騎所獲郭威即遣迴因令附奏赴闕之意仍以密奏置鷲
脫衣領中帝覽奏即召李業示之聶文進郭允明在傍懼形于色

也降下至臨陽原不義賊
軍節度使亦近后叔附於
郭威與薛史曰通鑑此事已
與薛史吳

五

初議車駕幸澶州及聞鄴兵已至河上乃止帝大懼私謂宰臣竇
 貞固等曰昨來之事太草草耳李業等請帝傾府庫以給諸軍宰
 相蘇禹珪以為未可業拜禹珪于帝前曰相公且為官家莫惜府
 庫遂下令侍衛軍人給二十緡下軍各給十緡其北來將士亦準
 此仍遣北來將士在營子弟各賫家問向北諭之壬午鄴軍至封
 邱慕容彥超自鎮馳至帝遂以軍旅之事委之宋史侯益傳云周太祖起兵隱帝議出師禦之益獻計曰王者無敵于天下兵不宜輕出况大名成卒家屬盡在京城不如閉關以挫其銳遣其母妻發降以招之可不戰而定慕容彥超以為益衰老作懦夫計沮之彥超謂帝
 曰陛下勿憂臣當生致其魁首彥超退見聶文進詢北來兵數及
 將校名氏文進告之彥超懼曰大是劇賊不宜輕耳又遣袁義劉
 重進王知則等出師以繼前軍慕容彥超以大軍駐于七里郊掘
 塹以自衛都下率坊市出酒食以餉軍癸未車駕勞軍即日還宮
 翌日慕容彥超揚言曰官家宮中無事明日再出觀臣破賊甲申

仍本三

車駕復出幸七里店軍營王師陣于劉子陂與鄴軍相望太后以
 帝至晚在外遣中使謂聶文進曰賊軍在近大須用意文進曰有
 臣在必不失策縱有一百箇郭威亦當生擒之耳彥超輕脫先擊
 北軍郭威命何進福王彥超李筠等大合騎以乘之彥超退卻死
 者百餘人于是諸軍奪氣稍稍奔于北軍吳虔裕張彥超等相繼
 而去慕容彥超以部下十數騎奔兗州是夜帝與宰臣從官宿于
 野次侯益焦繼勳潛奔鄴軍乙酉且帝策馬至元化門劉銖在門
 上問帝左右兵馬何在乃射左右帝迴與蘇逢吉郭允明詣西北
 村舍郭允明知事不濟乃刺及于帝而崩時年二十蘇逢吉郭允
 明皆自殺是日周太祖自迎春門入諸軍大掠煙火四發翌日至
 晡方定前滑州節度使白再鐸為亂兵所害吏部侍郎張允墜屋
 而死周太祖既入京城命有司遷帝梓宮于太平宮或曰可依魏

日殺下紫庭能方果引到必元
 則帝之親征何由致是蓋郭威兵
 殺帝李威之日請且因允明日殺
 石瑋等耳今考劉如石瑋決以
 揚慶言之云云字樣詳其史意據
 當時生係也

高貴鄉公故事以公禮葬之周祖曰予顛沛之中不能護衛至尊
以至于此若又貶降人謂我何於是詔擇日舉哀命前宗正卿劉
皞主喪丙戌太后誥曰高祖皇帝翦亂除兇變家爲國救生靈于
塗炭創王業于艱難甫定寰區遽遺弓劍樞密使郭威楊邠侍衛
使史宏肇三司使王章親承顧命輔立少君協力同心安邦定國
旋屬四方多事三叛連衡吳蜀內侵契丹啓釁烝黎兇懼宗社阽
危郭威授任專征提戈進討躬當矢石盡掃煙塵外寇邊平中原
甯謐復以強敵未殄邊塞多艱允賴賢臣往臨大艱疆場有藩籬
之固朝廷寬宵旰之憂不謂兇豎連謀羣小得志密藏鋒刃竊發
殿庭已殺害其忠良方奏聞于少主無辜受戮有口稱冤而又潛
差使臣矯賞宣命謀害樞密使郭威宣徽使王峻侍衛步軍都指
揮使王殷等人知無罪天不助奸今者郭威王峻澶州節度使李

洪義前曹州防禦使何福進前復州防禦使王彥超前博州刺史
李筠北面行營馬步都指揮使郭崇步軍都指揮使曹英護聖都
指揮使白重贊索萬進田景威樊愛能李萬全史彥超奉國都指
揮使張鐸王暉胡立弩手指揮使何贊等徑領兵師來安社稷逆
黨皇城使李業內客省使閻晉卿樞密都承旨聶文進飛龍使後
贊翰林茶酒使郭允明等脅君于大內出戰于近郊及至力窮遂
行弑逆冤憤之極今古未聞今則兇黨旣除羣情共悅神器不可
以無主萬幾不可以久曠宜擇賢君以安天下河東節度使崇許
州節度使信皆高祖之弟徐州節度使贊開封尹承勳高祖之男
俱列磐維皆居屏翰宜令文武百辟議擇嗣君以承大統云樞密
使郭威以蕭牆變起宗祏無奉率羣臣候太后請定所立且言開
封尹承勳高祖皇帝之愛子也請立爲嗣太后告以承勳羸病日

已丑下 卷五本傳二五 高祖本傳
按同 今程通能改作丑

久不能自舉周太祖與諸將請視承勳起居及視之方信遂議立
高祖從子徐州節度使贊為嗣己丑太后誥曰天未悔禍喪亂宏
多嗣王幼冲羣兇蔽惑構奸謀于造次縱毒蠱于斯須將相大臣
連頸受戮股肱良佐無罪見屠行路咨嗟羣心扼腕則高祖之洪
烈將墜于地賴大臣郭威等激揚忠義拯濟顛危除惡蔓以無遺
俾綴旒之不絕宗祧事重續繼才難既聞將相之謀復考著龜之
兆天人協贊社稷是依徐州節度使贊稟上聖之資抱中和之德
先皇如子鍾愛特深固可以育兆民居臨萬國宜令所司擇日
備法駕奉迎即皇帝位於戲神器至重天步方艱致理保邦不可
以不敬貽謀聽政不可以不勤允執厥中祇膺景命是日遣前太
師馮道等往徐奉迎周太祖以嗣君未至萬幾不可暫曠率羣臣
請太后臨朝誥答曰昨以奸邪構釁亂我邦家勳德効忠剪除兇

本傳曰

已丑下 卷五本傳二五 高祖本傳

憲俯從人欲已立嗣君宗社危而再安紀綱壞而復振皇帝法駕
未至庶事方殷百辟上言請予蒞政宜允輿議權總萬幾止于浹
旬即復明辟云按前代故事太上皇稱誥太皇太后皇太后曰令
今云誥有司誤也以宣徽南院使王峻為樞密使右神武統軍袁
義為宣徽南院使陳州刺史李穀權判三司步軍都指揮使王殷
為侍衛親軍馬步都指揮使護聖左廂都指揮使郭崇為侍衛馬
軍都指揮使奉國左廂都指揮使曹英為侍衛步軍都指揮使鎮
州邢州馳奏契丹寇洺州陷內邱縣時契丹永康王烏裕率部族
兩道入邊內邱城小而固契丹攻之五日不下敵人傷者甚眾時
有官軍五百在城防戍攻急官軍降于敵屠其城而去遼史世宗紀十
月自將南伐攻
下安平內邱東鹿
等城大獲而還庚寅樞密使郭威奏左軍巡勘得飛龍使後贊款伏
與蘇逢吉李業閣晉卿聶文進郭允明等同謀令散員都虞候奔

與蘇逢吉李業閣晉卿聶文進郭允明等同謀令散員都虞候奔

五代史

卷五本傳

八

德等下手殺害史宏肇等權開封尹劉銖具伏朋附李業爲亂屠
害將相家屬其劉銖等準誥旨處置訖并蘇逢吉郭允明閻晉卿
聶文進首級竝梟于南北市其骨肉放棄辛卯河北諸州馳報契
丹深入太后誥曰王室多故邊境未寧內難雖平外寇仍熾據北
面奏報強敵奔衝繼發兵師未聞平殄須勞上將暫自臨戎宜令
樞密使郭威部署大軍早謀掩擊其軍國庶事權委宰臣竇貞固
蘇禹珪樞密使王峻等商量施行在京馬步兵士委王殷都大提
舉十二月甲午朔郭威領大軍北征丁酉以翰林學士尚書戶部
侍郎知制誥范質爲樞密副使東都事略周太祖征李守貞母朝廷遣使齎詔處
分軍事皆中機會太祖問誰爲此辭使者以范質
對太祖曰宰相器也太祖起兵入京師遽令草太后誥及
議迎湘陰公儀注乃自太后以質爲兵部侍郎樞密副使陝州李洪信奏馬步都指
揮使聶召奉國指揮使楊德護聖指揮使康審澄等與節度判官
路濬掌書記張洄都押衙楊紹勅等同情謀叛竝殺之惟康審澄

夜中放火斬關奔歸京師初朝議以諸道方鎮皆是勳臣不諳政
理其都押衙孔目官令三司軍將內選才補之藩帥不悅故洪信
因朝廷多故誣奏加害焉壬寅湖南上言朗州馬希萼引五谿蠻
及淮南洪州軍來攻當道望量差兵士于淮境牽引乙巳遣前淄
州刺史陳恩讓領軍入淮南界以便宜進取辛亥遣宰相蘇禹珪
及朝臣十員往宋州迎奉嗣君壬子樞密使郭威次澶州何福進
已下及諸軍將士扶擁威請爲天子即日南還威上章于太后言
爲諸軍所迫班師庚申威至北郊駐軍于臯門村許州巡檢前申
州刺史馬鐸奏節度使劉信自殺壬戌奉太后誥命樞密使侍中
郭威監國中外庶事竝取監國處分先是樞密使王峻以湘陰公
已在宋州慮聞澶州之事左右變生遣侍衛馬軍指揮使郭崇率
七百騎往衛之東都事略郭崇傳王峻遣崇率七百騎拒質遇于睢陽崇曰澶州兵變遣崇來
衛乘輿非有他也具言軍情有屬天命已定質執崇手而泣崇即送質就館

已未太后誥曰比者樞密使郭威志安社稷議立長君以徐州節度使贊高祖近親立為漢嗣爰自藩鎮徵赴京師雖誥命等行而軍情不附天道在北人心靡東適當改卜之初俾膺分土之命贊可降授開府儀同三司檢校太師上柱國封湘陰公食邑三千戶食實封五百戶明年正月丁卯太后誥奉符寶于監國可即皇帝位周太祖踐阼奉太后為母遷于西宮上尊號曰昭聖太后是月十五日周太祖與百寮詣帝殯宮成服親奠不視朝七日又詔太常定謚曰隱以其年八月二日復遣前宗正卿劉皞護靈輜備儀仗葬于許州陽翟縣之潁陵附神主于高祖之寢宮帝姿貌白皙眉目疎朗未即位時目多閃掣唾洩不止即位之始遽無此態及內難將作復如故帝自關西平定之後稍自驕易然畏憚大臣未至縱恣嘗因乾象差忒宮中或有怪異召司天監趙延乂訊其休

咎延乂對以修德即無患既退遣中使就問延乂曰何者為德延乂勸讀貞觀政要邇後與韞文進郭允明後贊狎習信其邪說以至于敗高祖之征鄴城也一日帝語太祖曰我夜來夢爾為驢負我升天既捨爾俄變為龍捨我南去是何祥也周太祖撫掌而笑冥符胥蠶豈偶然哉

永樂方輿考一系八十二百二

史臣曰隱帝以尙幼之年嗣新造之業受命之主德非禹湯輔政之臣復非伊呂將欲保延洪之運守不拔之基固不可得也然西摧三叛雖僅滅于櫬槍而內稔羣兇俄自取于狼狽自古覆宗絕祀之速者未有如帝之甚也噫蓋人謀之弗臧非天命之遽奪也

永樂方輿考一系八十二百二

又十月加二清景

舊五代史卷一百三

舊五代史卷一百三攷證

漢隱帝紀下鳳翔行營都部署趙暉奏前月二十四日收復鳳翔
案歐陽史作正月趙暉克鳳翔據是書則收復鳳翔在二年
十二月非三年春事也歐陽史蓋誤以告捷之月爲收復之月
耳五代春秋作十二月收復鳳翔誅王景崇爲得其實

澶州刺史李洪義 案宋史洪義本名洪威避周太祖諱改

護聖左廂都指揮使郭崇 案東都事略郭崇初名崇威避周太

祖諱止稱崇

庚辰至滑州節度使宋延渥開門迎降 案歐陽史作庚辰義成

軍節度使宋延渥叛附于郭威與是書同通鑑作辛巳與是書
異

郭允明知事不濟乃剗刃于帝而崩 案通鑑考異引劉恕曰允

明帝所親信何由弒逆蓋郭威兵殺事成之日諱之因允明白
殺而歸罪耳

己丑太后誥曰 案原本作乙丑與五代春秋同今從通鑑改作
己丑

烏裕舊作兀欲今改

舊五代史卷一百三攷證

舊五代史卷一百四

宋 薛 居 正 等 撰

漢書第六

列傳一 后妃

高祖皇后李氏晉陽人也高祖微時嘗牧馬于晉陽別墅因夜入
其家劫而取之及高祖領藩鎮累封魏國夫人高祖建義于太原
欲行頒賚于軍士以公帑不足議率井邑助成其事而諫曰
自晉高祖建義及國家興運雖出于天意亦土地人民福力同致
耳未能惠其眾而欲奪其財非新天子卹隱之理也今後宮所積
宜悉以散之設使不厚人無怨言高祖改容曰敬聞命矣遂停斂
貸之命后傾內府以助之中外聞者無不感悅天福十二年冊爲
皇后隱帝卽位尊爲皇太后

案以下疑有關文據通鑑云隱帝與李業等謀誅楊邠
等議既定大白太后太后曰茲事何可輕發更宜與宰

薛史見于李業漢古仙史家前
及有文

又王為傳小富集宗公神道碑云漢高
祖領侍衛軍朝望甚重以公名家子
又後唐王公也夙嘗依秀異乎諸公
命長子以訓奉書于貴王先以
於名馬道至以訓不漢之開封尹
魏王也公與貴王拒而不納漢神王故
其子以宗氏不待勿復見或云貴王知
志不可奪遂許之也唐義甯公王
之子也

相讓之業時在旁曰先帝嘗言朝廷大專不可謀及書生儒性謀人太后復以為言帝念曰國家
之事非閭門所知拂衣而出又云南北遇于劉子陂帝欲自出勞軍太后曰郭威吾家故舊非死
亡切身何以至此但按兵守城飛詔諭之觀其志周太祖入京凡軍國大事皆請
趣必有辭理則君臣之禮尚全慎勿輕出帝不從周太祖入京凡軍國大事皆請
后發教令以行之是歲議立徐州節度使贊為帝以迎奉未至周
太祖乃率羣臣拜章請后權臨朝聽政后于是稱誥焉及周太祖
為六軍推戴上章具述其事且言願事后為慈母后下誥答曰侍
中功烈崇高德聲昭著翦除禍亂安定乾坤謳歌有歸歷數攸屬
所以軍民推戴億兆同歡老身未終殘年屬茲多難惟以衰朽託
于始終載省來牋如母見待感念深意涕泗橫流云仍出戎衣玉
帶以賜周太祖周太祖即位上尊號曰德聖皇太后居于太平宮
周顯德元年春夢案隱帝未立皇后據是書張彥成傳云隱帝娶彥成女楊那傳云隱帝
之蓋隱帝在位三年崩時年二十故未及冊立皇后也又五代會要載漢高祖長
女永甯公主降宋延渥天福十二年四月封至乾祐二年十二月追封素國長公主

舊五代史卷一百四

舊五代史卷一百五

宋薛居正等撰

漢書第七

列傳二宗室

魏王承訓字德輝高祖之長子也少溫厚美姿儀高祖尤鍾愛在
晉累官至檢校司空國初授左衛上將軍高祖將赴洛命承訓北
京大內巡檢未幾詔赴闕授開封尹檢校太尉同平章事以天福
十二年十二月十一日薨于府署年二十六高祖發哀于太平宮
哭之大慟以至于不豫是月追封魏王歸葬于太原
陳王承勳高祖之幼子也國初授右衛大將軍隱帝嗣位加檢校
太尉同平章事遙領興元尹俄代侯益為開封尹進位檢校太師
兼侍中乾祐三年冬十一月蕭牆之亂隱帝崩軍情欲立勳為嗣

亦宋大典卷六十七百六

鈔本史書
作薛史是
張下十一字

時勳已病大臣及諸將請候勳起居太后令左右以臥榻舁之以見諸將就視知勳之不能興故議立劉贊周廣順元年春卒周太祖下詔封陳王

永泰大皇帝二十七年

蔡王信高祖之從弟也少從軍漸至龍武小校漢祖鎮并州爲興捷軍都將領龔州刺史檢校太保國初爲侍衛馬軍都指揮使檢校太傅兼義成軍節度使尋移鎮許州加太尉同平章事高祖寢疾大漸楊邠受密旨遣信赴鎮信卽時戒路不得奉辭兩泣而去隱帝卽位加檢校太師關輔賊平就加侍中信性昏懦贖貨無厭喜行酷法掌禁軍時左右有犯罪者召其妻子對之鬻割令自食其肉或從足支解至首血流盈前而命樂對酒無仁愍之色未嘗接延賓客在鎮日聚斂無度會高祖山陵梓宮經由境上信率掠吏民以備迎奉百姓苦之初聞殺楊邠史宏肇遽啓宴席集參佐

賓幕令相致賀曰我謂天無眼令我三年不能適意主上孤立幾落賊手諸公勸我一杯可也俄蕭牆之變憂不能食尋有太后令言立湘陰公卽令其子往徐州奉迎數日陳思讓率馬軍經過城西但令供頓不敢出城未幾澶州軍變王峻遣前申州刺史馬鐸領軍赴州巡檢鐸引軍入城信惶惑自殺廣順初追封蔡王湘陰公贊爲徐州節度使乾祐元年八月中有雲見五色明年冬杪有鳥翔集于鮮碧堂庭樹黃質朱喙金目青翼紺趾黑尾僅類于鳳有賓佐歎曰野鳥入室主人將去旬浹而不知所之乾祐三年冬十一月周太祖駐軍于京師議立嗣君奉太后誥立贊爲嗣傳誥之際馮道笏墜于地左右惡之馮道至贊出郊迎常所乘馬比甚馴服至是馬啼啣奔逸人不可制乃以他馬代之時以爲不祥將離彭城嘗一日天有白光一道自西來照城中如晝有聲如

雷時人謂之天裂又有巨星墜于徐野殷然有聲或謂之天狗後

贊果廢死案湘陰公傳原本殘闕發十國春秋湘陰公傳云湘陰公贊世祖子也高祖愛之

北郊隱帝遇弒威入京師謂諸大臣密相推戴及見宰相馮道等道殊無意威不得已見道下拜

而道猶受拜如平時徐勞之曰公行良苦威意色皆沮以為大臣未有推己意又難于自立因與

王峻入白太后推擇漢嗣羣臣乃共奏曰武寧節度使贊高祖愛以為子宜立為嗣乃遣太師馮

道率百官往迎道揣威意不在贊直前問曰公此舉由衷乎威指天為誓道既行語左右曰吾生

平不作謬語人今謬語矣道見贊傳太后意召之贊行至宋州威已自澶州為兵士擁還京師王

峻慮贊左右生變遣侍衛馬軍指揮使郭崇威以兵七百騎衛贊崇威至宋州贊登樓問崇威所

以來之意崇威曰澶州軍變懼未察之遣崇威護衛非惡意也贊召崇威崇威不敢進馮道出與

崇威語崇威乃登樓見贊時護聖指揮使張令超帥步兵為贊宿衛判官董裔說贊曰觀崇威瞻

視舉措必有異謀道路皆言郭威已為天子而陛下深入不止禍其至哉請急召令超諭以禍

使夜以兵劫崇威所屬士卒明日掠睢陽金帛募士卒北走太原彼新定京邑未暇追我此策之

上也贊猶豫未決是夕崇威密誘令超歸郭氏盡奪贊部下兵郭威以書召道先歸留其副趙上

交王度奉贊入朝太后道乃辭贊先遣贊謂道曰寡人此來所恃者以公三十年舊相是以不疑

道默然贊客將賈貞等數目道欲圖之贊曰勿草草事豈出于公耶道已去崇威乃幽贊于外館

殺賈貞董裔及牙內都虞候劉福孔目官夏昭度等郭威已監國太后乃下詔曰比者樞密使威

志安宗社議立長君以徐州節度使贊高祖親近立為漢嗣乃自藩鎮召赴京師雖誥命已行而

軍情不附天道在北人心靡東適當改卜之初俾應分土之命贊可降授開府儀同三司檢校太

師上柱國封湘陰公贊卒以殺死五代史補郭忠恕七歲童子及第富有文學尤工篆隸嘗有

人于龍山得鳥跡篆忠恕一見輒誦如宿習乾祐中湘陰鎮徐州辟為推官周祖之入京師也少

主崩于北岡周主命宰相馮道迎湘陰公將立之至宋州高祖已為三軍推戴忠恕知事變乃正

色責道曰令公累朝大臣誠信著于天下四方談士無賢不肖皆以為長者今一旦返作脫空漢

前功業並棄令公之心安乎道無言對忠恕因勸湘陰公殺道以奔河東公猶
豫未決遂及于禍忠恕竄迹久之晚年尤好輕忽卒以此敗坐除名配流焉

郭子清影

舊五代史卷一百五

舊五代史卷一百五列傳

仙本致十
圖下注

舊五代史卷一百五攷證

漢宗室列傳二陳王承勳傳軍情欲立勳爲嗣 案立勳爲嗣疑
脫承字冊府元龜引是書亦同蓋承勳在隱帝時避御名故去
承字也是書仍當時實錄之舊未及改歸畫一今姑仍其舊

舊五代史卷一百五攷證

舊五代史卷一百六

宋薛居正等撰

漢書第八

列傳三

王周魏州人少勇健從軍事唐莊宗明宗稍遷裨校以戰功累歷郡守晉天福初范延光叛于魏州周從楊光遠攻降之安重榮以鎮州叛從杜重威討平之以功授貝州節度使歲餘移鎮涇州先是前帥張彥澤在任苛虐部民逃者五千餘戶及下車革前弊二十餘事逃民歸復賜詔褒美後歷鄧陝二鎮陽城之役周時為定州節度使大軍往來供饋無闕未幾遷鎮州節度使周稟性寬惠人庶便之開運末杜重威降于契丹引契丹主臨城諭之周泣曰受國重恩不能死戰而以兵降何面目南行見人主與士大夫乎

乃痛飲欲引決家人止之事不獲已乃見契丹主授鄧州節度使
檢校太師高祖定天下移鎮徐州加同平章事乾祐元年二月以
疾卒于鎮輟視朝二日贈中書令周性寬恕不忤物情初刺信都
州城西橋敗覆民租車周曰橋梁不飭刺史之過也乃還其所沈
粟出私財以修之民庶悅焉

亦宋大史夫一第八千三百三十二

劉審交字求益幽州文安人也祖海父師遂審交少讀書尤精吏
道起家署北平主簿轉興唐令本府召補牙職劉守光之僭號偽
署兵部尚書燕亾歸于太原莊宗知之用爲諸府從事同光初趙
德鈞鎮幽州朝廷以內官馬紹宏爲北面轉運使辟審交爲判官
王都據定州叛朝廷命王晏球進討以審交爲轉運使供軍使王都
平以勞授遼州刺史明年復爲北面供軍轉運使改磁州刺史以
母年高去官就養及丁內艱毀瘠過禮服闋不出累年晉高祖踐

阼范延光以魏州叛命楊光遠以總兵討之復召審交爲供饋使
鄴中平命審交爲三司使授右衛大將軍六年夏出爲陳州防禦
使歲餘移襄州防禦使審交治襄漢撫綏有術民庶懷之青州楊
光遠平降平盧軍爲防禦州復用審交爲防禦使累官至檢校太
傅時用軍之後審交矜恤撫理凋弊復蘇契丹破晉審交以代歸
蕭翰在都復用爲三司使翰歸蕃李從益在汴州召高行周武行
德將委以軍事皆不受命尋聞高祖起義于太原史宏肇在澤潞
都人大懼時有燕軍千人守捉諸門李從益母王淑妃詢于文武
臣僚曰予子母在洛孤危自處一旦爲蕭翰所逼致令及此但遣
人迎請太原勿以予子母爲事或曰收拾諸處守營兵士與燕軍
足以把城以俟河北救應可也妃曰非謀也我子母亾國之餘安
敢與人爭天下眾議籍籍猶以把城爲詞審交曰余燕人也今城

有燕軍固合爲燕謀然事機有所不可此城經敵軍破除之後民
力空匱餘眾幸存若更謀之不臧閉門拒守一月之內無復遺類
諸君無言宜從太妃處分繇是從益遣使往太原貢奉高祖至汴
罷使歸班隱帝嗣位用爲汝州防禦使汝爲近輔號爲難治審交
盡去煩弊無擾于民百姓歌之乾祐二年春卒年七十四郡人聚
哭柩前所列狀乞畱葬本州界立碑起祠以時致祭本州以聞詔
曰朝廷之制皆有舊章牧守之官比無贈典其或政能殊異惠及
蒸黎生有令名沒畱遺愛褒賢獎善豈限彝章可特贈太尉吏民
所請宜依故相國太師秦國公馮道聞之曰予嘗爲劉汝州僚佐
知其爲人廉明慈善無害之良吏也刺違磁治陳襄青皆稱平允
不顯殊尤其理汝也又安有異哉民之租賦不能減也徭役不能
息也寒者不能衣也餒者不能食也百姓自汲汲然而使君何有

于我哉然身死之日致黎民懷感如此者誠以不行鞭扑不行刻
剝不因公而徇私不害物以利己確然行良吏之事薄罰有過謹
身節用安俸祿守禮分而已凡從事于斯者孰不能乎但前之守
土者不能如是是以汝民咨嗟愛慕今天下戎馬之後四方兇盜
之餘杼柚空而賦斂繁人民稀而倉廩匱謂之康泰未易輕言侯
伯牧宰若能哀矜之不至聚斂不殺無辜之民民爲邦本政爲民
本和平寬易卽劉君之政安足稱耶復何患不至于令名哉道仍
爲著哀詞六章鐫于墓碑之陰焉

永嘉大世夫九十九

武漢球澤州人也少拳勇潞帥李嗣昭倚爲親信事唐莊宗明宗
繼爲禁軍裨校清泰中會晉高祖引契丹爲援與朝廷隔絕遂歸
晉祖天福初授趙州刺史入爲奉國軍都指揮使出刺曹州開運
初遷耀州團練使高祖至東京授洛州刺史漢球以目疾年高辭

郡帝曰廣平小郡卿臥理有餘無以疾辭至郡未期復以目疾請代而免乾祐二年秋卒于京師漢球雖出自行伍然長于撫理常以培斂為戒民懷其惠身死之日家無餘財有管迴者漢球守郡日辟為判官及漢球卒于汴迴在洛州未之知一日忽謂所親曰太保遣人召我遂沐浴新衣冠無疾瞑目而終家人不知其故後數日方聞漢球卒

五代史卷一百一十一

張瓘同州車渡村人故太原監軍使承業之猶子也承業唐書有傳唐天祐中承業佐唐武皇莊宗有功甚見委遇瓘聞之與昆仲五人自故里奔于太原莊宗皆任用之瓘天祐十三年補麟州刺史承業治家嚴毅小過無所容恕一姪為磁州副使以其殺河西賣羊客承業立捕斬之常誠瓘等曰汝車渡村百姓劉開道下賊憤作非為今須改行若故態不除死無日矣故瓘所至不敢誅求

本本係
迴下同
本本係
劉開道

晉天福中為密州刺史秩滿入居環衛乾祐三年夏卒于官輟視

朝一日

五代史卷一百一十一

李殷薊州人也自後唐莊宗明宗晉高祖朝以偏將遞遷歷官至檢校司徒累為郡守性沈厚所莅無苛暴之名晉少帝禦契丹于澶淵殷與禁旅駕還授鄜州畱後俄加檢校太保開運中授定州節度使將行啓少帝曰臣之此行破敵必矣眾皆壯其言及至郡威畧無聞敵再至首納降款後隨契丹至常山常山將耶律嘉哩遣殷與契丹首領楊安同拒我師于洛水俄而安退殷以橐裝馳馬遺安安既北走殷匿于邱墓獲免馳以歸我高祖嘉其首赴朝闕及魏州平以甘陵乏帥乃命殷為貝州節度使加檢校太傅乾祐初卒于鎮詔贈太師

五代史卷一百一十一

劉在明幽州人少有膽氣本州節度使劉守光用為親信出為平

唯下
舊作解風今改

塞軍使守光敗歸于太原唐莊宗收爲列校明宗時爲捧聖左都
指揮使領和州刺史從幸汴州至滎陽聞朱守殷叛用爲前鋒至
汴城率先登城賊平授汴州馬步軍都指揮使應順初爲貝州刺
史明年移趙州兼北面行營馬軍都指揮使以軍戍易州清泰末
幽州節度使趙德鈞引軍赴團柏谷路由易州取在明軍從及德
鈞兵敗在明奔歸懷州唐末帝令與萇從簡同守河陽晉祖至乃
迎之京都事定出爲單州刺史天福中李金全以安州叛在明從
李守貞攻之大破淮賊以功授安州防禦使明年移絳州楊光遠
據青州叛召爲行營馬步軍都指揮使領齊州防禦使青州平遷
相州畱後歷邢州晉州畱後通鑑契丹入汴建雄畱後劉在明朝高祖踐阼
授幽州道行營都部署時契丹守中山在明出師經畱契丹乃棄
城而去遂授鎮州畱後乾祐元年五月正授鎮州節度使六月以

疾卒于鎮贈侍中

亦字大四年九十九

馬萬澶州人也少從軍善水游唐莊宗與梁軍對壘于河上莊宗
于德勝渡夾河立南北寨會梁軍急攻南寨于中流聯戰艦以絕
援路晝夜攻城者三日寨將氏延賞告急于莊宗莊宗隔河望敵
無如之何乃召人能水游破賊者時萬兄弟皆應募遂潛行入南
寨往來者三又助燒船艦汴軍遂退由此升爲水軍小校漸典禁
軍遙領刺史累遷奉國左廂都指揮使泗州防禦使晉天福二年
夏范延光叛于鄴牙將孫銳率兵至黎陽朝廷遣侍衛馬軍都指
揮使白奉進領兵渡滑州萬亦預其行時滑州節度使符彥饒潛
通鄴下殺白奉進于牙署萬領本軍兵士將助亂會奉國右廂都
指揮使盧順密亦以兵至諭以逆順萬不得已與順密急趨公府
執彥饒生送闕下朝廷卽以萬爲滑州節度使而盧順密酬之甚

萬萬鎮鄧州未幾罷鎮授上將軍以目疾致仕乾祐三年四月卒
輟視朝一日永宗大皇帝一萬八千四百二

李彥從字士元汾州孝義人父德麟州司馬彥從少習武藝出行
伍間高祖典禁軍以鄉里之舊任為親信國初用為左飛龍使檢
校司空鎮州逐敵之際請兵于朝廷高祖令彥從率軍赴之乾祐
初領恩州刺史趙暉討王景崇于岐下彥從為兵馬都監破川軍
有功賊平授濮州刺史治有政能百姓悅之乾祐三年冬卒于郡
郭謹字守節太原信陽人謹少從軍能騎射歷河中教練使晉天
福中遷奉國右廂都指揮使領禹州刺史三年轉奉國左廂都指
揮泗州防禦使歲餘授侍衛步軍都指揮使兼寧江軍節度使六
年從幸鄴七年晉祖崩少帝即位授彰德軍節度使領軍如故開

勅本晉
唐列晉

運初出授鄜州二年入為左神武統軍三年復鎮麟州高祖踐阼
以鄉國舊臣加檢校太尉移鎮清臺乾祐初復授彰德軍節度使
二年就加檢校太師三年入朝加食邑是歲冬十月卒于位年六
十輟視朝二日贈侍中永宗大皇帝一萬八千四百二

勅本晉

皇甫立代北人也唐明宗之刺代州署為牙校從歷藩鎮性純謹
明宗深委信之王建立安重誨策名委質皆在立後明宗踐阼以
立為忻州刺史長興末轉洛州團練使應順初遷鄜州節度使檢
校太保清泰三年春移鎮潞州未幾改華州晉天福中授左神武
統軍少帝即位歷左金吾衛上將軍累官至檢校太尉高祖定天
下授特進太子太師致仕乾祐二年秋卒永宗大皇帝一萬八千四百二

白再榮本蕃部人也少從軍累遷護聖左廂指揮使晉末契丹入
汴明年契丹主北去再榮從部帳至真定其年閏七月晦李筠何

福晉相率殺此帥滿達勒據甲仗庫敵勢未退筠等使人召再榮
再榮端坐本營遲疑久之為軍吏所迫乃行翊日逐出滿達勒諸
軍以再榮名次在諸校之右乃請權知畱後事東都事略李筠傳筠請馮
而已畱後事當議功臣為再榮貪昧無決舉止多疑出入騎從露刃注矢
之以諸將之甲者為畱後諸校不相統攝互有猜貳奉國廂主王饒懼為再榮所并乃據東
門樓以兵自衛偽稱足疾不敢見再榮司天監趙延又俱與之善
乃來往解釋遂無相忌之意再榮以李崧和凝攜家在彼令軍士
數百人環迫崧凝以求賞給崧凝各出家財與之再榮欲害崧以
利其財前磁州刺史李穀謂再榮曰公與諸將為契丹所擄凌辱
萬端且夕憂死今日眾力逐出蕃戎鎮民死者不下三千人豈獨
公等之功纔得生路便擬殺一宰相他日到闕儻有所問何以為
辭再榮默然再榮又欲括率在城居民家財以給軍士李穀又譬

勅本初逐

勅本三

解之乃止其漢人會事滿達勒者盡拘之以取其財高祖以再榮
為鎮州畱後為政貪虐難狀鎮人呼為白滿達未幾移授滑州節
度使箕斂誅求民不聊生乃徵還京師周太祖入京城軍士攻再
榮之第迫脅再榮盡取財貨既軍士前啓曰某等軍健常趨事麾
下一旦無禮至此今後何顏謁見即奮刃擊之挈其首而去後家
人以帛贖葬之

永華七卷卷一萬八千七百廿二

勅本有物

張鵬鎮州彭城人幼為僧知書有口辯喜大言後歸俗唐末帝為
潞王時鵬往依焉及即位用為供奉官累監軍旅晉開運中契丹
迫澶州鵬為前鋒監押奮身擊敵被創而還其後累于邊城戍守
士伍服其勇乾祐初授鎮州副使過鄴城高行周接之甚歡鵬因
言及晉朝傾亾之事少帝任用失人藩輔之臣惟務積財富家不
以國家為意以至宗社泯滅非獨帝王之咎也行周性寬和不以

鵬言爲過鵬既退行周左右謂行周曰張副使之言蓋譏令公也
行周因發怒遂奏鵬怨國訛言故朝廷降詔就誅于常山時乾祐
元年七月也

亦宋史卷六千五百五十一

史臣曰晉漢之際有以懋軍功勤王事取旌旄符竹者多矣其間
有及民之惠者無幾焉如王周之間政審交之民譽蓋其優者也
漢球張瓘抑又次焉是宜紀之篇以示來者其餘皆不足觀也已
張鵬以一言之失遽滅其身亦足誠後代多言橫議之徒歟

亦宋史卷六千五百五十一

五十一

舊五代史卷一百六

舊五代史卷一百六攷證

漢列傳三劉審交傳服闋不出累年 案歐陽史作不調累年

時有燕軍千人守捉諸門 千人杜重威傳作千五百人

劉在明傳高祖踐阼授幽州道行營都部署 案通鑑在明先爲

成德軍畱後繼授幽州道馬步都部署與是書前後互異

馬萬傳時滑州節度使符彥饒潛通鄴下殺白奉進于牙署 案

是書晉列傳符彥饒以忿爭殺白奉進非潛通鄴下也此傳蓋

沿實錄傳聞之誤通鑑從晉列傳

白再榮傳本蕃部人也 案歐陽史作不知其世家何人也

嘉哩舊作解里今改 滿達勒舊作麻答今改

舊五代史卷一百六攷證

舊五代史卷一百七

宋薛居正等撰

漢書第九

列傳四

史宏肇字化元鄭州滎澤人也父潘本田家宏肇少游俠無行拳勇健步日行二百里走及奔馬梁末每七戶出一兵宏肇在籍中後隸本州開道都選入禁軍嘗在晉祖麾下遂畱為親從及踐阼用為控鶴小校高祖鎮太原奏請從行升為牙校後置武節左右指揮以宏肇為都將遙領雷州刺史高祖建號之初代州王暉叛以城歸契丹宏肇征之一鼓而拔尋授許州節度使充侍衛步軍都指揮使會王守恩以上黨求附契丹主命大將耿崇美率眾登太行欲取上黨高祖命宏肇以軍應援軍至潞州契丹退去翟令

舊五代史 卷一百一十一
奇以澤州迎降會河陽武行德遣人迎宏肇遂率眾南下與行德
合故高祖由蒲陝赴洛如歸宏肇前鋒之功也宏肇嚴毅寡言部
轄軍眾有過無舍兵士所至秋毫無犯部下有指揮使嘗因指使
少不從命宏肇立搃殺之將吏股慄以至平定兩京無敢干忤從
駕征鄴迴加同平章事充侍衛親軍都指揮使兼鎮宋州高祖大
漸與樞密使楊邠周太祖蘇逢吉等同受顧命隱帝嗣位加檢校
太師兼侍中居無何河中永興鳳翔連橫謀叛關輔大擾朝廷日
有徵發羣情憂喘亦有不逞之徒妄構虛語流布京師宏肇都轄
禁軍警衛都邑專行刑殺略無顧避無賴之輩望風匿迹路有遺
棄人不敢取然而不問罪之輕重理之所在但云有犯便處極刑
枉濫之家莫敢上訴巡司軍吏因緣為姦嫁禍脅人不可勝紀宋史
邊歸讓傳史宏肇怙權專殺閭里告訐成風歸讓言曰邇來有匿名書及言風聞事構害良善有
傷風化遂使貪吏得以報復私怨讒夫得以肆其虛誣請明行條制禁遏誣罔凡顯有披論具陳

姓名其匿名書及風聞事者並見止絕論者疑之

時太白晝見民有仰觀者為坊正所拘立斷其

腰領又有醉民抵忤一軍士則誣以訛言棄市其他斷舌決口斫
筋折足者僅無虛日故相李崧為部曲誣告族戮于市取其幼女
為婢自是仕宦之家畜僕隸者皆以姑息為意而舊勳故將失勢
之後為所養輩之所脅制者往往有之軍司孔目吏解暉性狡而
酷凡有推劾隨意鍛鍊人有抵軍禁者被其苦楚無不自誣以求
死所都人遇之莫敢仰視有燕人何福殷者以商販為業嘗以十
四萬市得玉枕遣家僮及商人李進賣于淮南易茗而迴家僮無
行隱福殷貨財數十萬福殷責其償不伏遂杖之未幾家僮詣宏
肇上變言契丹主之人沐也趙延壽遣福殷齎玉枕陰遺淮南以
致誠意宏肇即日遣捕福殷等繫之解暉希旨榜掠備至福殷自
誣連罪者數輩並棄市妻女為宏肇帳下分取之其家財籍沒宏

肇不喜賓客嘗言文人難耐輕我輩謂我輩為卒可恨可恨宏肇
所領睢陽其屬府公利委親吏楊乙就府檢校貪戾兇橫負勢生
事吏民畏之副戎以下望風展敬聚斂刻剝無所不至月率萬緡
以輸宏肇一境之內疾之如讎東都事略薛居正傳史宏肇領侍衛親軍威震人
王殘忍自恣人莫敢忤其意其部下民告民犯鹽周太祖平河中班師推
禁法當死居正疑其不實召詰之乃其吏以私憾而誣之也
逮捕吏鞫之具伏以吏抵法宏肇雖怒甚竟亦無以屈也
功于眾以宏肇有翊衛鎮重之功言之于隱帝即授兼中書令隱
帝自關西賊平之後昵近小人太后親族頗行干託宏肇與楊邠
甚不平之太后有故人子求補軍職宏肇怒而斬之帝始聽樂賜
教坊使玉帶諸伶官錦袍往謝宏肇宏肇讓之曰健兒為國戍邊
忍寒冒暑未能徧有霑賜爾輩何功敢當此賜盡取袍帶還官其
兇戾如此周太祖有鎮鄴之命宏肇欲兼領機樞之任蘇逢吉異
其議宏肇忿之翌日因寶貞固飲會貴臣悉集宏肇厲色舉爵屬

仍本手

周太祖曰昨晨廷論一何同異今日與弟飲此楊邠蘇逢吉亦舉
大爵曰此國家之事也何足介意俱飲醕宏肇又厲聲言曰安朝
廷定禍亂直須長槍大劍至如毛錐子焉足用哉三司使王章曰
雖有長槍大劍若無毛錐子贍軍財賦自何而集宏肇默然少頃
而罷未幾三司使王章于其第張酒樂時宏肇與宰相樞密使及
內客省使閻晉卿等俱會酒酣為手勢令宏肇不熟其事而閻晉
卿坐次宏肇屢教之蘇逢吉戲宏肇曰近坐有姓閻人何憂罰爵
宏肇妻閻氏本酒妓也宏肇謂逢吉譏之大怒以醜語詬逢吉逢
吉不校宏肇欲毆逢吉逢吉策馬而去宏肇遽起索劍意欲追逢
吉楊邠曰蘇公是宰相公若害之致天子何地公細思之邠泣下
宏肇索馬急馳而去邠慮有非常連鑣而進送至第而還自是將
相不協如水火矣隱帝遣王峻將酒樂于公子亭以和之竟不能

解其後李業郭允明後贊聶文進居中用事不悅執政又見隱帝年漸長厭爲大臣所制嘗有忿言業等乃乘閒譖宏肇等隱帝稍以爲信業等乃言宏肇等專權震主終必爲亂隱帝益恐嘗一夕聞作坊鍛甲之聲疑外有兵仗卒至達旦不寐自是與業等密謀禁中欲誅宏肇等議定入白太后太后曰此事豈可輕發耶更問宰臣等李業在側曰先皇帝言朝廷大事莫共措大商量太后又言之隱帝怒曰閨門之內焉知國家之事拂衣而出內客省使閻晉卿潛知其事乃詣宏肇私策將欲告之宏肇以他事拒之不見乾祐三年冬十一月十三日宏肇入朝與樞密使楊邠三司使王章同坐于廣政殿東廡下俄有甲士數十人自內而出害宏肇等于閣夷其族先是宏肇策數有異嘗一日于階砌隙中有煙氣蓬勃而出禍前二日昧爽有星落于宏肇前三數步如迸火而散俄

而被誅周太祖踐阼追封鄭王以禮葬官爲立碑宏肇子德琬乾祐中授檢校司空領忠州刺史粗讀書親儒者嘗不悅父之所爲貢院嘗錄一學科于省門叫譟申中書門下宰相蘇逢吉令送侍衛司請痛笞刺面德琬聞之白父曰書生無禮有府縣御史臺非軍務治也公卿如此蓋欲彰大人之過宏肇深以爲然卽破械放之後之識者尤嘉德琬之爲人焉宏肇弟福比在滎陽別墅聞禍匿于民間周太祖卽位累遷閑廡使仕皇朝宋史李崇矩傳史宏諸衛將軍

肇爲先鋒都校聞崇矩名召署親吏乾祐初宏肇總禁兵兼京城巡檢多殘殺軍民左右稍稍引去惟崇矩事之益謹及宏肇誅獨得免周祖與宏肇素厚善卽位訪求宏肇親舊得崇矩謂之曰我與史公受漢厚恩戮力同心共獎王室爲奸邪所構史公卒罹大禍我亦僅免汝史家故事也爲我求其近屬我將恤之崇矩上其母弟福崇矩素主其家盡籍財產以付福周祖嘉之

楊邠魏州寇氏人也少以吏給事使府後唐租庸使孔謙卽其妻之世父也謙領度支補勾押官歷孟華鄆三州糧料使高祖爲鄴都畱守用爲左都押衙高祖鎮太原益加親委漢國建遷檢校太

保權樞密使汴洛平正拜樞密使檢校太傅及高祖大漸與蘇逢吉史宏肇等同受顧命輔立嗣君隱帝即位宰臣李濤上章請出邠與周太祖爲藩鎮邠等泣訴于太后由是罷濤而相邠加中書侍郎兼吏部尚書同平章事仍兼樞密使時中書除吏太多訛謬者衆及邠居相位帝一以委之凡南衙奏事中書除命先委邠斟酌如不出邠意至于一簿一掾亦不聽從邠雖長于吏事不識大體常言爲國家者但得帑藏豐盈甲兵強盛至于文章禮樂並是虛事何足介意也平河中雖加右僕射邠既專國政觸事苛細條理煩碎前資官不得于外方居止自京師至諸州府行人往來並須給公憑所由司求請公憑者朝夕填咽旬日之間民情大擾行路擁塞邠乃止其事時史宏肇恣行慘酷殺戮日衆都人士庶相目于路邠但稱宏肇之善太后弟武德使李業求爲宣徽使隱帝

與太后重違之私訪于邠邠以朝廷內使遷拜有序不可超居遂止隱帝所愛耿夫人欲立爲后邠亦以爲太速夫人卒隱帝欲以后禮葬邠又止之隱帝意不悅左右有承間進甘言者隱帝益怒之案此下疑有闕文邠繕甲兵實帑廩俾國用不闕邊鄙粗率亦其功也和

書譜云邠末年留意緝紳延客門下知經史有用乃課吏傳寫

王章大名南樂人也少爲吏給事使府同光初隸樞密院後歸本郡累職至都孔目官後唐清泰末屯駐奉聖都虞候張令昭作亂逐節度使劉延皓自稱畱後章以本職爲令昭役使末帝遣范延光討平之搜索叛黨甚急章之妻卽白文珂之女也文珂與副招討李敬周善以章爲託及攻下逆城敬周匿之載于橐駝褚中竄至洛下匿于敬周之私第及末帝敗章爲省職厯河陽糧料使高祖與侍衛親軍召爲都孔目官從至河東專委錢穀國初授三司

使檢校太傅從征杜重威于鄴下明年高祖崩隱帝即位加檢校太尉同平章事居無何蒲雍岐三鎮畔是時契丹攻汴之後國家新造物力未充章與周太祖史宏肇楊邠等盡心王室知無不爲罷不急之務惜無用之費收聚財賦專事西征軍旅所資供饋無乏及三叛平賜與之外國有餘積然以專于權利剝下過當斂怨歸上物論非之舊制秋夏苗租民稅一斛別輸二升謂之雀鼠耗乾祐中輸一斛者別令輸二斗目之爲省耗百姓苦之又官庫出納緡錢皆以八十爲陌至是民輸者如舊官給者以七十七爲陌遂爲常式歸田錄用錢之法自五代以來以七十七爲陌謂之省陌今市井交易又尅其五謂之依陌民有訴田者雖無十數戶章必命全州覆視幸其廣有苗額以增邦賦曾未數年民力大困章與楊邠不喜儒士郡官所請月俸皆取不堪資軍者給之謂之閒雜物命所司高估其價估定更添謂之擡估章亦不滿其意

隨事更令更添估章急于財賦峻于刑法民有犯鹽礬酒麴之令雖絲毫滴瀝盡處極刑吏緣爲姦民不堪命章與楊邠同郡尤爲親愛其獎用進拔者莫非鄉舊常輕視文臣曰此等若與一把算子未知顛倒何益于事後因私第開宴席召賓客史宏肇蘇逢吉乘醉誼詬而罷章自是忽忽不樂潛求外任邠與宏肇深沮其意而私第數有怪異章愈懷憂恐乾祐三年冬與史宏肇楊邠等遇害夷其族妻白氏禍前數月而卒無子惟一女適戶部員外郎張貽肅羸疾踰年扶病就戮亦若六典卷八千八百五十一

李洪建太后母弟也事高祖爲牙將高祖即位累歷軍校遙領防禦使史宏肇等被誅以洪建爲權侍衛馬步軍都虞候及鄴兵南渡命洪建誅王殷之族洪建不卽行之但遣人監守其家仍令給饌竟免屠戮周太祖入京城洪建被執王殷感洪建之恩累祈周

太祖乞免其死不從遂殺之洪建弟業

業昆仲凡六人業處其季故太后尤憐之高祖置之麾下及即位累遷武德使出入禁中業恃太后之親稍至驕縱隱帝嗣位尤深倚愛兼掌內帑四方進貢二宮費委之出納業喜趨權利無所顧避執政大臣不敢禁詰會宣徽使闕業意欲之太后亦令人微露風旨于執政時楊邠史宏肇等難之業由是積怨蕭牆之變自此而作楊史既誅業權領侍衛步軍都指揮使北郊兵敗業自取金寶懷之策馬西奔行至陝郊其節度使洪信即其長兄也不敢匿于家業將奔太原至絳州境為盜所殺盡奪而去

小宗大德六年一萬三千九百九十九

閻晉卿者忻州人也家世富豪少仕并門歷職至客將高祖在鎮頗見信用乾祐中歷閣門使判四方館未幾關西亂郭從義討趙思綰于京兆晉卿偏師以攻賊壘

宋史李翰傳周祖征三叛翰從自文珂攻河中兵傳其城文珂夜詣周祖議犒軍留贖城下時

物本云

營柵未備李守貞乘虛來襲營中忽見火發知賊驟至惶怖失據客省使聞晉卿率左右數十人遇韜于月城側謂韜曰事急矣城中人悉被黃紙甲為火光所照色俱白此殊易辦奈軍士無鬪志何韜憤怒曰豈有食君祿而不為國致死耶即援稍而進軍中死士十餘輩隨韜犯賊鋒前勇猛將躍馬持戈擬韜韜刺之洞胸而墜又連殺數十人蒲軍遂潰因擊大破之賊平

為內客省使丁父憂起復前職時宣徽使闕晉卿以職次事望合當其任既而久稽拜命晉卿頗怨執政會李業等謀殺楊史詔晉卿謀之晉卿退詣宏肇將告其事宏肇不見晉卿憂事不果夜懸高祖御容于中堂泣禱于前遲明戎服入朝內難既作以晉卿權侍衛馬軍都指揮使北郊兵敗晉卿乃自殺于家

高祖大德六年一萬一千一百三十三

聶文進并州人少給事於高祖帳下高祖鎮太原甚見委用職至兵馬押司官高祖入汴授樞密院承旨歷領軍屯衛大將軍遷右衛大將軍仍領舊職遇周太祖出征稍至驕橫久未遷改深所怨望與李業輩構成變亂史宏肇等遇害之前又文進與同黨預作宣詔制置朝廷之事凡關文字並出文進之手明日難作文進點

閱兵籍徵發軍眾指揮取舍以爲己任內外咨稟前後填咽太祖
在鄴被構初謂文進不預其事驗其事迹方知文進亂階之首也
大詬詈之太祖過封邱帝次于北郊文進告太后曰臣在此請宮
中勿憂兵散之後文進召同黨痛飲歌笑自若遲明帝遇禍文進
奔竄爲軍士所追梟其首丹府元龜卷九百三十三
後贊爲飛龍使贊母本倡家也與父同郡往來其家生贊從職四
方父未嘗離郡贊既長疑其所生及爲內職不欲父之來寓書以
致其意父自郡至京師直抵其第贊不得已而奉之乾祐末宰相
楊邠侍衛親軍使史宏肇執權贊以久次未遷頗懷怨望乃與樞
密承旨聶文進等構變及難作贊與同黨更侍帝側剖判戎事且
防間言北郊兵敗贊竄歸兗州慕容彥超執之以獻有司鞠贊伏
罪周太祖命誅之丹府元龜卷九百三十三

郭允明者小名竇十河東人也幼隸河東制置使范徽柔被誅允
明遂爲高祖廝養服勤既久頗得高祖之歡心高祖鎮太原稍歷
牙職及卽位累遷至翰林茶酒使兼鞍轡庫使隱帝嗣位允見親
狎每恃寵驕縱略無禮敬與相州節度使郭謹以同宗之故頗交
結謹在鎮允明常齎御酒以遺之不以僭上犯禁爲意其他輕率
悉皆類此執政大臣頗姑息之常奉使荆南車服導從有同節度
使將州縣郵驛奔馳畏懼節度使高保融承迎不暇允明潛使人
步度城壁之高庫池隍之廣隘以動荆人冀得重賄乾祐末兼飛
龍使未幾與李業輩構變楊邠等諸子允明親刃之于朝堂西廡
下王章女壻戶部員外郎張貽肅血流逆注聞者哀之及北郊之
敗允明迫帝就民舍手行弒逆尋亦自殺西華大典卷三十一
劉銖陝州人也少事梁邵王朱友誨爲牙將晉天福中高祖爲侍

衛親軍都指揮使與銖有舊乃表為內職高祖出鎮并門用為左都押牙銖性慘毒好殺高祖以為勇斷類已深委遇之國初授承興軍節度使從定汴洛移鎮青州加同平章事隱帝即位加檢校太師兼侍中銖立法深峻令行禁止吏民有過不問輕重未嘗貸免每親事小有忤旨即令倒曳而出至數百步外方止膚體無完者每杖人遣雙杖對下謂之合歡杖或杖人如其歲數謂之隨年杖在任擅行賦斂每秋苗一畝率錢三千夏苗一畝錢二千以備公用部內畏之脅肩重迹乾祐中淄青大蝗銖下令捕蝗略無遺漏田苗無害先是濱海郡邑皆有兩浙迴易務厚取民利自置刑禁追攝王民前後長吏利其厚賂不能禁止銖即告所部不得與吳越徵負擅行追攝浙人惕息莫敢干命朝廷懼銖之剛戾難制因前浙州刺史郭瓊自海州用兵還過青州遂畱之即以符彥卿

代銖銖即時受代

隆平集郭瓊傳云劉銖守平盧稱疾不朝隱帝疑其叛詔瓊領兵屯青州銖將害之張宴伏兵幕下瓊無懼色銖亦不敢發瓊為言去就

趨召離鎮之日有私鹽數屋雜以糞穢填塞諸井以土平之彥卿

發其事以聞銖奉朝請久之每潛戟手于史宏肇楊邠策會李業

輩同誅宏肇等銖喜謂業輩曰君等可謂僕儼兒矣尋以銖權知

開封府事周太祖親族及王峻家並為銖所害周太祖入京城執

之下獄銖謂妻曰我則死矣君應與人為婢耳妻曰明公所為如

是雅合為之周太祖遣人讓銖曰昔日與公常同事漢室寧無故

人之情家屬屠滅公雖奉君命加之酷毒一何忍哉公家亦有妻

子還顧念否銖但稱死罪遂啓太后并一子誅之而釋其妻周太

祖踐阼詔賜銖妻陝州莊宅各一區

五代史闕文漢隱帝朝銖為開封尹周祖自鄴起兵銖盡誅周祖之家子孫婦女十

數人極其慘毒及隱帝遇害周祖以漢太后命收銖下獄使人責之銖對曰某為漢家戮叛族耳不知其他周祖怒遂殺之

史臣曰臣觀漢之亡也豈繫于天命哉蓋委用不得其人聽斷不

符于理故也且如宏肇之淫刑楊邠之糝政李業晉卿之設計文
進允明之狂且雖使成王為君周公為相亦不能保宗社之安延
歲月之命况隱帝逢吉之徒其能免乎易曰大君有命開國承家
小人勿用必亂邦也當乾祐之末也何斯言之驗歟惟劉銖之忍
酷又安能道于一死乎

永樂大典卷二萬二千一百六十一

舊五代史卷一百七

舊五代史卷一百七攷證

漢列傳四史宏肇傳有燕人何福殷者 案歐陽史作何福進疑

訛

乾祐三年冬十一月十三日宏肇入朝 十一月歐陽史漢臣傳

作十月吳縝纂誤云漢隱帝紀周太祖紀俱作十一月傳誤也

楊邠傳用為左都押衙 左都歐陽史作右都

李業附傳業昆仲凡六人 案昭聖太后弟六人洪信洪義宋史

有傳歐陽史作昆弟七人

閻晉卿傳賊平為內客省使 案宋史李韜傳載晉卿討賊時已

為客省使是書作賊平之後始授此職與宋史異

舊五代史卷一百七攷證

舊五代史卷一百八

宋薛居正等撰

漢書第十

列傳五

李崧深州饒陽人父舜卿本州錄事參軍崧幼而聰敏十餘歲為文家人奇之弱冠本府署為參軍其父嘗謂宗人李鏘曰大醜生處形奇氣異前途應不居徒勞之地賴吾兄誨激之大醜即崧之小字也同光初魏王繼岌為興聖宮使兼領鎮州節鉞崧以參軍從事時推官李堯掌書崧見其起草不工密謂掌書呂柔曰令公皇子天下瞻望至于尺牘往來章表論列稍須文理合宜李侍御起草未能盡善呂曰公試代為之呂得崧所作示盧質馮道皆稱之繇是擢為興聖宮巡官獨掌奏記莊宗入洛授太常寺協律郎

王師伐蜀繼岌爲都統以崧掌書記蜀平樞密使郭崇韜爲宦官
誣構繼岌遂殺崇韜父子外尙未知崧白繼岌曰王何爲作此危
事至于不容崇韜至洛誅之未晚今懸軍五千里無咫尺書詔便
殺重臣非謀也繼岌曰吾亦悔之崧召書吏三四人登樓去梯取
黃紙矯寫詔書倒使都統印發之翌日告諸軍軍情稍定及自蜀
還明宗革命任圓以宰相判三司用崧爲鹽鐵推官賜緋丁內艱
歸鄉里服闋鎮帥范延光奏署掌書記延光爲樞密使拜拾遺直
樞密院遷補闕起居郎尙書郎充職如故長興末改翰林學士清
泰初拜端明殿學士戶部侍郎先是長興三年冬契丹入雲中朝
廷欲命重將鎮太原時晉祖爲六軍副使以秦王從榮不軌懇求
外任深有北門之望而大臣以晉高祖方握兵柄難以議之一日
明宗怒其未奏范延光趙延壽等無對退歸本院共議其事方欲

以康義誠爲之時崧最在下位聳立請曰朝廷重兵多在北邊須
以重臣爲帥以某所見非石太尉不可也會明宗令中使促之眾
乃從其議翌日晉祖旣受太原之命使心腹達意于崧云壘浮圖
須與合卻尖蓋感之深也及清泰末晉祖入洛崧與呂琦俱竄匿
于伊闕民家旬日晉高祖召爲戶部侍郎判戶部踰月拜中書侍
郎同平章事與桑維翰並兼樞密使維翰鎮相州未幾廢樞密院
事歸中書加尙書右僕射從幸鄴丁外艱恩制起復崧上章數四
懇辭其命優詔不允復上章不報崧不得已而視事晉少帝嗣位
復用桑維翰爲樞密使命崧兼判三司未幾代維翰爲樞密使與
馮玉對掌機密開運末崧玉信契丹之詐經略瀛鄭中渡之敗落
其姦謀契丹入京師趙延壽張礪素稱崧之才契丹主善遇之以
崧爲太子太師充樞密使契丹主嘗謂左右曰我破南朝祇得李

郭下 舊在麻谷今以

告下 李歐陽史 至時局能將矣
齊陵 河中李守貞及澄乃救延
考及 守貞與其甥 澄澄因所放
大禁 守貞之九弟守貞守貞
東山所之石從後

崧一人而已從契丹北行留于鎮州高祖平汴洛乃以崧之居第
賜蘇逢吉第中宿藏之物皆為逢吉所有是秋鎮州逐滿達勒崧
與馮道和凝十數人歸闕授太子太傅崧對朝之權右謙挹承顏
未嘗忤旨嘗以宅券獻蘇逢吉不悅崧二弟嶼嶼酣酒無識與楊
邠蘇逢吉子弟杯酒之間時言及奪我居第逢吉知之宋史陶穀傳
獻逢吉逢吉不悅而崧子弟數出怨言崧懼移疾不出崧族子昉嘗往候崧崧語昉曰邇來朝廷
于我有何議昉曰無他聞唯陶給事往往于稠人中厚誣叔父崧嘆曰穀自單州判官吾取為集
賢校理不數年擢掌詔命吾何負于陶氏子哉及崧遇禍昉嘗因公事詣穀穀問有部曲葛
昉識李侍中否昉斂衽應曰遠從叔耳穀曰李氏之禍穀出力焉昉聞之汗出

仍本志

葛延遇夜寄宿于澄家以嶼見督情告遂一夕同謀告變逢吉覽
狀示史宏肇其日逢吉遣吏召崧至策從容語及葛延遇告變之
事崧以幼女為託逢吉遣吏送于侍衛獄既行崧恚曰自古未有
不亡之國不死之人及為吏所鞠乃自誣伏罪舉家遇害少長咸
尸于市人士寃之東都事畧王溥傳世宗嘗問漢相李崧蠅彈書結契丹有記其詞崧
與徐台符同學相善乾祐三年秋台符夢崧謂曰予之寃橫得請
于帝矣及蘇史之誅並梟首于市當崧所誅之地未幾葛延遇李
澄亦以戮死宋史李昉傳晉侍中崧與昉同宗且同里時人謂崧為東李家昉為西李家漢
宋崧被誅至宋其子璩自蘇州常熟縣令赴調昉為訟其父寃且言周太祖
已為昭雪贈官還其田宇錄璩而官之然璩幾五十
蘇逢吉長安人父悅逢吉母早喪而悅鰥居旁無侍者性嗜酒雖
所飲不多然漉醪終日他人供饌皆不稱旨俟逢吉庖炙方肯下
筯悅初仕蜀官升朝列逢吉初學為文嘗代父染翰悅嘗為高祖
從事甚見禮遇因從容見逢吉曰老夫耄矣才器無取男逢吉粗
學援毫性復恭恪如公不以狔犬之微願令事左右高祖召見以
神精爽惠甚憐之有頃擢為賓佐凡有謀議立侍其側高祖素嚴
毅及鎮太原位望崇重從事稀得謁見惟逢吉日侍左右兩使文

仍本志

簿堆案盈几左右不敢輒通逢吉置于懷袖俟其悅色則諮之多見其可高祖建號于太原逢吉自節度判官拜同平章事集賢殿大學士車駕至汴朝廷百司庶務逢吉以爲己任參決處置並出胸臆雖有當有否而事無畱滯會翰林學士李濤從容侍帝言及霸府二相官秩未崇逢吉旋加吏部尙書未幾轉左僕射監修國史從征杜重威于鄴下數乘醉抵辱周太祖及高祖大漸與楊邠史宏肇等臥內同受顧命李濤與逢吉論甥舅之契相得甚歡濤之人相逢吉甚有力焉會濤上章請出兩樞密爲方鎮帝怒罷濤相勒歸私第時論疑濤承逢吉之風旨先是高祖踐阼之後逢吉與蘇禹珪俱在中書有所除拜多違舊制用捨升降率意任情至有自白丁而升宦路由流外而除令錄者不可勝數物論紛然高祖方倚信二相莫敢言者逢吉尤貪財貨無所顧避求進之士稍

有物力者卽遣人微露風旨許以美秩及楊邠爲相稍奪二蘇之權自是盡斂手而已邠每懲二蘇之失艱于除拜至于諸司補吏與門胄出身一切停罷時論以邠之蔽固亦由逢吉禹珪本不能至公于物之所致也初高祖至汴以故相馮道李崧爲契丹所俘竚于真定乃以崧第賜逢吉道第賜禹珪崧于西洛有別業亦爲逢吉所有及真定逐契丹崧道歸朝崧弟嶼以逢吉占據其第時出怨言未幾崧以西京宅券獻于逢吉不悅會崧有僕夫欲誣告謀反逢吉誘致其狀卽告史宏肇令逮捕其家逢吉遣直省吏召崧至第卽令監至侍衛獄翌日所司以獄辭上其李嶼款招云與兄崧弟義與家僮二十人商議比至山陵發引之時同放火謀亂其告是實蓋自誣之辭也逢吉仍以筆添注二十人字爲五十人封下有司盡誅崧家時人寃之歸咎于逢吉逢吉深文好殺從高

祖在太原時嘗因事高祖命逢吉靜獄以祈福佑逢吉盡殺禁囚以報及執朝政尤愛刑戮朝廷患諸處盜賊遣使捕逐逢吉自草詔意云應有盜賊其本家及四鄰同保人並仰所在全族處斬或謂逢吉曰爲盜者族誅猶非王法鄰保同罪不亦甚乎逢吉堅以爲是僅去全族二字時有鄆州捕賊使臣張令柔盡殺平陰縣十七村民良由此也逢吉性侈靡好鮮衣美食中書供膳鄙而不食私庖供饌務盡甘珍嘗于私第大張酒樂以召權貴所費千餘緡其妻武氏卒葬送甚盛班行官及外州節制有與逢吉相款洽者皆令齋送綾羅絹帛以備縞素失禮違度一至于此又性不拘名教繼母死不行服妻死未周其子並授官秩有庶兄自外至不白逢吉便見諸子逢吉怒且懼他日凌弱其子息乃密白高祖誣以他事杖殺之乾祐二年秋加守司空周太祖之將鎮鄴也逢吉奏

請落樞密使隱帝曰有前例否逢吉奏曰樞密之任方鎮帶之非便史宏肇曰兼帶樞密所冀諸軍凜畏竟從宏肇之議宏肇怨逢吉之異己逢吉曰此國家之事也且以內制外則順以外制內豈得便耶事雖不從物議多之居無何王章張飲會逢吉與史宏肇有謔言大爲宏肇所詬逢吉不校幾至毆擊逢吉馳馬而歸自是將相失歡逢吉欲希外任以紓宏肇之怒旣而中輟人問其故逢吉曰苟領一方鎮祇消得史公一處分則爲齏粉矣李業輩惡宏肇楊邠等逢吉知之每見業等卽微以言激怒之及宏肇等被害逢吉不預其謀聞變驚駭卽授宣徽權知樞密院事尋令草制正授制人聞鄴兵至澶州乃止事急逢吉謂人曰蕭牆之變太覺匆遽主上若有一言見問必不至是矣數夕宿于金祥殿之東謂天官正王處訥曰夜來就枕未暝已見李崧在旁生人與死人相接

無吉處也及周太祖自鄴至汴官軍敗于劉子陂是夕逢吉宿于

七里郊與同舍痛飲醉將自刎左右止之至曙與隱帝同抵民舍

遂自殺周太祖定京城與聶文進等同梟于北市釋其家族其梟

首之處適當李崧冤死之地廣順初詔就西京賜其子莊宅各一

區五代史補高祖在河東幕府闕書記朝廷除前進士邱廷敏為之以高祖有異志恐為所累

辭疾不赴遂改蘇逢吉未幾契丹南侵高祖仗順而起兵不血刃而天下定逢吉以佐命功

自掌書記拜中書侍郎平章事逾年廷敏始選授鳳翔麟遊縣令過堂之日逢

吉戲之且撫所坐椅子曰合是長官坐何故讓與鄙夫耶廷敏遂慚悚而退

李麟唐宗屬也父洎韶州刺史伯父湯咸通中為給事中懿宗除

乳母楚國夫人聳為夏州刺史湯封還制書詔曰朕少失所親若

非楚國夫人鞠養則無朕此身雖非朝典望卿放下仍今後不得

援以為例湯乃奉詔其諒直如此麟少舉進士累舉不策客遊河

朔稱清海軍掌書記謁定州王處直不見禮麟即脫綠被緋入常

山謁要人李宏規以宗姓請兄事之由是得進趙王鎔辟為從事

鎔卒復為王德明賓客德明使麟聘于唐莊宗麟密疏德明之罪

且言可圖之狀莊宗嘉之及常山平以麟為霸府支使嘗從容請

于莊宗曰麟有四子請誅之莊宗問其故對曰此輩生于常山稟

勃亂之氣不可畱也莊宗笑而止同光初授宗正卿俄兼工部侍

郎常山有唐啓運陵麟受富民李守恭賂署為陵臺令守恭暴橫

為長吏所訴按之以聞麟左授司農少卿削金紫未幾出為河府

副使明宗即位厯兵部戶部侍郎工部戶部尚書長興中以與明

宗有舊常貯入相之意從容謂時相曰唐祚中興宜敦敘宗室才

高者令居相位僕雖不才曾事莊宗霸府見今上于藩邸時家代

重侯累相靖安李氏不在諸族之下論才較藝何讓眾人久賓僕

于朝行諸君安乎馮道趙鳳每怒其僭有頃麟因淮南細人言事

言下 卷之四 陽文云 麟為人利 最

舊五代史 卷一百八十九
旋踵而至矣重誨然之以玉帶與細人令往淮南爲信久而不反由是出鱗爲兗州行軍司馬得代歸闕復爲戶部尙書尋轉兵部尙書有頃兼判太常卿事嘗權典選部銓綜失序物論非之晉天福中守太子少保開運中遷太子太保高祖至闕授守司徒數月而卒時年八十八贈太傅

永樂大典卷一三九三

龍敏字欲訥幽州永清人少學爲儒仕鄉里爲假掾劉守光不道敏避地浮陽會戴思遠渡河而南乃從之鄉人周知裕仕梁爲裨將敏往依焉知裕屢薦不調敏丐遊都邑累年唐莊宗定魏博敏聞故人馮道爲霸府記室乃客于河中歲歸太原館于馮道之家監軍使張承業卽署敏爲巡官典監軍奏記莊宗平河洛徵爲司門員外郎以家貧乏養求爲興唐少尹踰年丁母喪退居鄴下會趙在禮據鄴城以敏鄉人強起令署事又爲亂軍所迫敏不敢拒

明年在禮鎮浮陽敏復居喪制服闕除戶部郎中改諫議大夫御史中丞時敏父咸式年七十咸式之父年九十餘供養二尊朝夕無懈咸式以敏貴得祕書監致仕敏爲兵部侍郎奉使幽州鄉里耆舊畱宴盡歡馮贇爲北京畱守奏敏爲副贇入掌樞密敏爲吏部侍郎敏學術不甚長然外柔而內剛愛決斷大計清泰末從唐末帝在懷州時趙德鈞父子有異圖晉安岩旦夕憂陷末帝計無從出問計于從臣敏奏曰臣有一計請以援兵從東丹王李贊華取幽州路趨西樓契丹主必有北顧之患末帝然之而不能取敏又謂末帝親將李懿曰君連姻帝戚社稷之危不俟翹足安得默默苟全耶懿因籌德鈞必破蕃軍之狀敏曰僕燕人也諳趙德鈞之爲人膽小謀拙所長者守城若嬰壕塹篤勵健兒耳若見大敵奮不顧身摧堅陷陣必不能矣况各位震主姦以謀身乎僕有狂

策不知濟否苟能必行亦救塞之一術也懿請言之曰如聞駕前馬僅五千匹請于其間選壯馬精甲健夫千人僕願與郎萬金二

通鑑郎萬金為陳州刺史胡三省云萬金當時勇將也

由介休路出山夜冒敵騎循山入大砦千

騎之內得其半濟則若無虞矣張敬達等幽閉不知朝廷援兵近遠若知大軍在團柏谷中雖鐵障亦可衝踏况敵騎乎末帝聞之

曰龍敏之心極壯用之晚矣人亦以為大言然其慷慨感激皆此

類也晉祖受命敏以本官判戶部遷尚書左丞丁父憂服闋復本

官俄移太常卿開運中奉命使越先是朝臣將命必拜起于浙帥

敏至抗揖而已識者多之使還改工部尚書乾祐元年春疽發于

背聞高祖宴駕乃扶病于私第縞素而臨後旬日卒于家時年六

十三隱帝嗣位詔贈右僕射

亦宋大史卷五十三

劉鼎字公度徐州蕭縣人祖泰蕭縣令父崇梁太祖微時常備力

崇家及即位召崇用之歷殿中監商州刺史崇之母撫梁祖有恩

梁氏號為國婆徐宋之民謂崇家為參龍劉家鼎起家為大理評

事歷尚書博士殿中侍御史起居郎清泰中自吏部員外郎出為

渾州廉判入為刑部郎中充鹽鐵判官改吏部郎中兼侍御史知

雜事乾祐初拜諫議大夫卒年五十五鼎善交遊能談笑居家仁

孝事繼母趙氏甚謹異母昆弟凡七人撫之如一性若寬易而典

選曹按吏有風稜人稱為能子袞登進士第文彩適雋仕周為左

拾遺直史館早卒

亦宋大史卷九十九

張允鎮州束鹿人父徵允幼學為儒仕本州為參軍張文禮之據

州叛莊宗致討允隨文禮子處瑾請降于鄴不允與處瑾並繫于

獄鎮冀平宥之留于鄴署本府功曹趙在禮嬰城叛署節度推官

從歷滄克二鎮書記入為監察御史歷右補闕起居舍人充宏文

仍本考
如字原
校則考
仍本考

仍本評
原刻評

仍本考也
字

館直學士水部員外郎知制誥清泰初皇子重美爲河南尹典六軍諸衛事時朝廷選參佐以允剛介改給事中充六軍判官尋罷職轉左散騎常侍晉天福初允以國朝頻有肆赦乃進駁赦論曰管子云凡赦者小利而大害久而不勝其禍無赦者小害而大利久而不勝其福又漢紀云吳漢疾篤帝問所欲言對曰唯願陛下無爲赦耳如是者何蓋行赦不以爲恩不行赦亦不以爲無恩爲罰有罪故也竊觀自古帝王皆以水旱則降德音而宥過開狴牢以放囚冀感天心以救其災者非也假有二人訟一有罪一無罪若有罪者見捨則無罪者銜冤銜冤者彼何疎見捨者此何親乎如此則是致災之道非救災之術也自此小民遇天災則喜皆相勸爲惡曰國家如行赦必捨我以救災如此卽是國家教民爲惡也且天道福善禍淫若以捨爲惡之人而便變災爲福則又是天

助其惡民也細而論之必不然矣儻或天降之災蓋欲警誠人主節嗜欲務勤儉恤鰥寡正刑罰不濫捨有罪不僭殺無辜使美化行于下聖德聞於上則雖有水旱亦不爲沴矣豈以濫捨有罪而反能救其災乎彰其德乎是知赦之不可行也明哉帝覽而嘉之降詔獎飾仍付史館五年遷禮部侍郎凡三典貢部改御史中丞轉兵部侍郎知制誥充翰林學士承旨契丹入京城落職守本官

東都事畧劉溫叟傳契丹入京師溫叟懼隨契丹北徙與承旨張允求去職契丹主怒欲黜爲縣令趙延壽曰學士不稱職而求解者罷之可也得

乾祐初授吏

部侍郎自誅史宏肇後京城士庶連憂恐悚允每朝退卽宿于相

國寺僧舍及北軍入京師允匿于佛殿藻井之上墜屋而卒時年

六十五子鸞仕皇朝爲太常少卿

永寧大曲卷八十三百五十一

任延皓并州人也業術數風雲之事晉高祖在太原重圍時高祖

最爲親要延皓以本業請見高祖甚加禮遇晉天福初延皓授太

書五代史

列傳

原掾尋改交城文水令皆高祖慰薦之力也高祖鎮太原延皓多
言外事出入無間高祖左右皆憚之在文水聚斂財賄民欲陳訴
延皓知之一日先誣告縣吏結集百姓欲劫縣庫高祖怒遣騎軍
併擒縣民十數族誅之冤枉之聲聞于行路高祖卽位累官至殿
中監恃寵使氣人望而畏之雖宰輔之重延皓視之蔑如也劉崇
在河東日常切齒及魏王承訓薨歸葬太原令延皓擇葬地時有
山岡僧謂劉崇曰魏王葬地不吉恐有重喪未幾高祖崩崇以僧
言奏之乃配流延皓于麟州路由文水市民擲瓦毆罵甚衆吏人
救之僅免旣至貶所劉崇令人殺之籍沒其家

宋史卷九十三

史臣曰李崧仕唐晉之兩朝聳伊臯之重望考其器業無忝台衡
會多僻之朝被慘夷之戮人之不幸天亦難忱逢吉秉蛇虺之心
竊夔龍之位殺人不忌與國俱亡李崧之冤血未銷逢吉之梟首

鈔本考

初于午後

斯至冥報之事安可忽諸自李鏘而下凡數君子者皆踐履朝行
彰施帝載國華邦直斯焉在哉惟延皓之醜行宜乎不得其死矣

宋史卷九十三

舊五代史卷一百八攷證

漢列傳五龍敏傳末帝親將李懿 案通鑑作前鄭州防禦使李

懿

改工部尚書 案歐陽史作遷工部侍郎

滿達勒舊作麻答今改

舊五代史卷一百八攷證

舊五代史

卷一百八

攷證

舊五代史卷一百九

宋薛居正等撰

漢書第十一

列傳六

杜重威其先朔州人近世徙家於太原祖興振武牙將父堆金事
 唐武皇為先鋒使重威少事明宗自護聖軍校領防州刺史其妻
 即晉高祖妹也累封宋國大長公主天福初命重威典禁軍遙授
 舒州刺史二年張從賓構亂據汜水晉高祖遣重威與侯益率眾
 破之以功授潞州節度使與楊光遠降范延光於鄴城改許州節
 度使兼侍衛親軍馬步軍副指揮使尋加同平章事未幾移鎮鄆
 州遷侍衛親軍馬步軍都指揮使通鑑馮道李崧屢薦重威之能以為都指揮使及鎮州安
 重榮稱兵向闕命重威禦之敗重榮于宗城重榮奔據常山重威

鈔本七

尋拔其城斬重榮首傳于闕下授成德軍節度使所得重榮家財及常山公帑悉歸于已晉高祖知而不問至鎮復重斂于民稅外加賦境內苦之通鑑重威所至贖貨民多逃亡嘗出過市謂左右曰人言我驅盡百姓何市人之多也少帝嗣位與契丹絕好契丹主連年伐晉重威但閉壁自守部內城邑相繼破陷一境生靈受屠戮重威任居方面未嘗以一士一騎救之每敵騎數十驅漢人千萬過城下如入無人之境重威但登陴注目略無邀取之意開運元年秋加北面行營招討使二年領大軍下新州滿城遂城契丹主自古北口迴軍追躡王師重威等狼狽而旋至陽城爲契丹所困會大風狂猛軍情憤激符彥卿張彥澤等引軍四出敵眾大潰諸將欲追之重威曰逢賊得命更望複子乎遂收軍馳歸常山先是重威于州內括借錢帛吏民大被其苦人情咸怨重以境內凋弊十室九空重威遂無畱意連上表乞歸朝不俟報

卽時上路朝廷以邊上重鎮主帥擅離苟有奔衝慮失禦備然亦無如之何卽以馬全節代之重威尋授鄴都畱守會鎮州軍食不繼遣殿中監王欽祚就本州和市重威私第有粟十餘萬斛遂錄之以聞朝廷給絹數萬匹償其粟重威大忿曰我非反逆安得籍沒耶三年冬晉少帝詔重威與李守貞等率師經略瀛鄭師至瀛州城下晉騎將梁漢璋與契丹接戰漢璋死焉重威卽時迴軍次武強聞契丹主南下乃西趨鎮州至中渡橋與契丹夾滹水而營十二月八日宋彥筠王清等率數千人渡滹洹陣于北岸爲敵所破時契丹游軍已至樂城道路隔絕人情危蹙重威密遣人詣敵帳潛布腹心契丹主大悅許以中原帝之重威庸暗深以爲信一日伏甲于內召諸將會告以降敵之意諸將愕然以上將旣變乃俛首聽命遂連署降表令中門使高勳齎送敵帳軍士解甲舉

聲慟哭是日有大霧起于降軍之上契丹主使重威衣赭袍以示諸軍尋偽加守太傅鄴都留守如故契丹主南行命重威部轄晉軍以從既至東京駐晉軍於陳橋士伍飢凍不勝其苦重威每出入衢路為市民所詬俛首而已契丹下令括率京城錢帛將相公私雷同率配重威與李守貞各萬緡乃告契丹主曰臣等以十萬漢軍降于皇帝不免配借臣所不甘契丹主笑而免之尋羣盜斷澶州浮梁契丹乃遣重威歸藩明年三月契丹主北去至相州城下重威與妻石氏詣牙帳貢獻而迴高祖車駕至闕以重威為宋州節度使加守太尉重威懼閉城拒命詔高行周率兵攻討重威遣其子宏遂等告急于鎮州滿達勒乞師救援以宏遂為質滿達勒遣蕃將楊衮赴之未幾鎮州軍逐滿達勒楊衮至洛州而迴十月高祖親征車駕至鄴城之下遣給事中陳觀等齎詔入城許其

歸命重威不納數日高祖親率諸軍攻其壘不克王師傷夷者萬

餘人宋史杜漢徽傳云從高行周討杜重威于鄴城屢為流矢所中身被重創猶力戰觀者壯之高祖駐軍數旬城中糧盡屑

麩餅以給軍士吏民踰壘而出者甚眾皆無人色至是重威牙將

詣行宮請降復遣節度判官王敏奉表請罪賜優詔敦勉許其如

初重威即遣其子宏遂妻石氏出候高祖重威繼踵出降素服俟

罪復其衣冠賜見即日制授檢校太師守太傅兼中書令鄴城士

庶殍殍者十之六七先是契丹遣幽州指揮使張璉以部下軍二

千餘人屯鄴時亦有燕軍一千五百人在京師會高祖至闕有上

變者言燕軍謀亂盡誅于繁臺之下咸稱其冤有逃奔于鄴者備

言其事故張璉等懼死與重威膠固守城略無叛志高祖亦悔其

前失累令宣諭許以不死璉等于城上揚言曰繁臺之誅燕軍何

罪既無生理以死為期璉一軍在圍中重威推食解衣盡力姑息

燕軍驕悍憑陵吏民子女金帛公行豪奪及重威請命璉等邀朝
廷信誓詔許璉等却歸本土及出降盡誅璉等將數十人其什長
已下放歸幽州將出漢境剽掠而去高祖遣三司使王章樞密副
使郭威錄幽州部下將吏盡誅之籍其財產與重威私帑分給將
士車駕還宮高祖不豫既而大漸顧命之際謂近臣將佐曰善防
重威帝崩遂收重威重威子宏璋宏璉宏傑誅之詔曰杜重威猶
貯禍心未悛逆節梟音不改虺性難馴昨朕小有不安罷朝數日
而重威父子潛肆兇言怨謗大朝扇惑小輩今則顯有陳告備驗
姦期既負深恩須寘極法其杜重威父子並處斬所有晉朝公主
及外親族一切如常仍與供給重威父子已誅陳尸于通衢都人
聚觀者詬罵蹴擊軍吏不能禁尸首狼籍斯須而盡宏璉重威之
子也累官至陳州刺史

隆平集黨進幼為天雄軍節度使杜重威奴重威愛其酒謹雖長猶令與婢妾雜侍重威敗周祖得之以為鐵騎都虞候

抄本
珠本

抄本
六

重威之後寒餓進常分俸以給士大夫或媿焉

李守貞河陽人也少桀黠落魄事本部為牙將晉高祖鎮河陽用
為典客後移數鎮皆從之及即位累遷至客省使天福中李金全
以安州叛淮夷入寇晉高祖命馬全節討之守貞監護其軍賊平
以守貞為宣徽使少帝即位授滑州節度兼侍衛馬軍都指揮使
未幾改侍衛都虞候開運元年春敵眾犯澶魏少帝幸澶州契丹
主遣滿達勒以奇兵由鄆州馬家口濟河立柵于東岸守貞率師
自澶州馳赴之契丹大敗溺死者數千人獲馬數百匹偏裨七十
餘人有頃敵退晉少帝還京以守貞為兗州節度使依前侍衛都
虞候五月以守貞為青州行營都部署率兵二萬東討楊光遠命
符彥卿為副十一月光遠子承勳等乞降守貞入城害光遠于別
策光遠有孔目官吏宋顏者盡以光遠財寶名姬善馬告于守貞

得之置于帳下近例官軍克復城隍必降德音洗滌瑕穢時樞密使桑維翰以光遠同惡數十輩潛竄未出搜索甚急故制書久不下或有告宋顏匿于守貞處者朝廷取而殺之守貞由是怨維翰時行營將士所給賞賜守貞盡以醜茶染木薑藥之類分給之軍中大怨乃以帛包所得物如人首級目之爲守貞頭懸于樹以詛之守貞班師加同平章事以楊光遠東京第賜之守貞因取連宅軍營以廣其策大興土木治之歲餘爲京師之甲行幸賜宴恩禮無比開運二年春契丹主以全軍南下前鋒至相州湯陰縣詔守貞屯滑州少帝再幸澶州以守貞爲北面行營都監與招討使杜重威北伐洎獲陽城之捷遂收軍而還四月車駕還京以守貞爲侍衛副都指揮使移鎮宋州加檢校太師三年春詔守貞率師巡邊至衡水獲鄭州刺史趙思英而還居無何代高行周爲侍衛親

軍都指揮使移鎮鄆州意頗缺望會宰相李崧加侍中守貞謂樞密使直學士殷鵬曰樞密何功便加正相先是桑維翰以元勳舊德爲樞密使守貞位望素處其下每憚之與李彥韜馮玉輩協力排斥維翰竟罷樞務李崧勢分疎遠守貞得以凌蔑其年夏契丹寇邊以守貞爲北面行營都部署少帝開曲宴于內殿以寵其行教坊伶人獻語云天子不須憂北寇守貞面上管幽州旣罷守貞有自負之色以其言誇詫于外旣而率兵至定州北與契丹偏師遇斬蕃將嘉哩而還九月加兼侍中會契丹遣瀛州刺史僞降于少帝請發大軍應接朝廷信之十月詔杜重威爲北面行營招討使以守貞爲兵馬都監知幽州行府事先是守貞領兵再由鄴都杜重威厚加贈遺曲意承迎守貞悅之每于帝前稱舉請委征討之柄至是守貞重威等會兵于鄴遂趨瀛州瀛州不應貝州節度

使梁漢璋為蕃將高牟翰所敗死之王師遂還師至深州聞契丹大至乃西趨鎮州至滹沱之中渡與敵相遇官軍營于滹水之南未幾敵騎潛渡至欒城斷我糧路尋則王清戰死杜重威遂與守貞歸命契丹授守貞司徒依前鄆州節度使從契丹至汴時京輦之下契丹充斥都人士庶若在塗炭二帥出入揚揚市人詬之略無慙色有頃河北及京東草寇大起澶州浮橋為羣賊所斷契丹主甚恐乃命諸帥各歸本鎮守貞遂赴汶陽高祖入汴守貞懼而來朝授守貞太保移鎮河中居無何高祖晏駕杜重威被誅守貞愈不自安乃潛蓄異計乾祐元年三月先致書于權臣希求保證而完城郭繕甲兵晝夜不息守貞以漢室新造嗣君纔立自謂舉無遺策又有僧總倫者以占術干守貞謂守貞有人君之位通鑑接修已素善術數自守貞鎮滑州署司戶參軍累從移鎮為守貞言時命不可妄動前後切諫非一守貞不聽乃稱疾歸里未幾趙思綰以京兆叛

仍本三

遣使奉表送御衣于守貞守貞自謂天時人事合符于已乃潛結

仍本三

草賊令所在竊發遣兵據潼關宋史王繼勳傳李守貞之叛繼勳據潼關為郭從義所破朝廷命白文珂常思等領兵問罪復遣樞密使郭威西征官軍初至守貞以諸

軍多曾隸于麾下自謂素得軍情坐俟扣城迎己及軍士詬譟大

仍本三

失所望宋史馮全義傳李守貞鎮河中召置帳下及守貞叛周主討之全義每率敢死士夜出攻周祖壘多所殺傷守貞貪而無謀性多忌刻全義累為畫策皆不能用俄

而王景崇據岐下與趙思綰遣使推奉守貞乃自號秦王思綰景

仍本三

崇皆受守貞署置又遣人齎蠟彈于吳蜀契丹以求應援馬令南唐書朱元傳

守貞以河中反漢命周太祖討之元與李平奉守貞表來乞師未復而守貞敗既而城中糧盡殺人為食召總倫詰其

休咎總倫至曰王自有天分人不能奪然分野災變俟磨滅將盡

存畱一人一騎即王鵲起之際也守貞深以為信洎攻城守貞欲

發石以拒外軍礮竿子不可得無何上游汎一筏至其木悉可為

礮竿守貞以為神助又嘗因宴會將佐守貞執弧矢遙指一虎舐

掌圖曰我若有非常之事當中虎舌引弓一發中之左右拜賀守

貞亦自負焉宋史吳虔裕傳周祖討三叛以虔裕為河中行營都監率護聖諸軍五千以往

大軍橫擊之蒲人敗守及周光遜以西岩降其勢益窘人情離散官軍攻

城愈急守貞乃潛于衙署多積薪芻為自焚之計二年七月城陷

舉家蹈火而死王師入城于煙中獲其尸斷其首函之并獲數子

二女與其黨俱獻于闕下隱帝御明德樓受俘馘宜露布百寮

賀禮畢以俘馘徇于都城守貞首級梟于南市諸子并賊黨孫愿

劉芮張延嗣劉仁裕僧總倫靖珍張球王廷秀焦文傑安在欽等

並磔于西市餘皆斬之五代史闕文符后先適河中節度使李守貞之子崇訓守貞

后大富貴當母儀天下守貞信之因曰吾婦尚為皇后吾可知

趙思綰魏府人也唐同光末趙在禮之據魏城也思綰隸于帳下

累從之在禮卒趙延壽籍其部曲盡付于其子贊思綰即其首領

也高祖定河洛贊自河中移京兆尹贊以久事契丹常慮國家終

不能容乃與鳳翔侯益謀引蜀兵為援又令判官李恕入朝請覲

贊不待報赴闕畱思綰等數百人在京兆會高祖遣王景崇等西

赴鳳翔行次京兆時思綰等數百人在焉思綰等比是趙在禮御

士本不刺面景崇齊藏珍既至京兆欲令文面以防逋逸景崇微

露風旨思綰厲聲先請自刺以率其下景崇壯之藏珍竊言曰思

綰麤暴難制不如殺之景崇不聽但率之同赴鳳翔朝廷聞之遣

供奉官王益部署思綰等赴闕思綰既發行至途中謂其黨常彥

卿曰小太尉已入他手吾輩至則併死矣小太尉蓋謂趙贊也彥

卿曰臨機制變子勿復言王益至永興副使安友規巡檢使喬守

温出迎于郊外離亭置酒思綰前曰部下軍士已在城東安下緣

家屬在城欲各將家今夜便宿城東守温等然之思綰等辭去與

舊五代史

卷一百九 列傳 七

部下並無兵仗纔入西門有州校坐門側思緒遂奪其佩劍即斬之其眾持白挺殺守門軍士十餘人分眾守捉諸門思緒劫庫兵以授之遂據其城時乾祐元年三月二十四日也翌日集城中丁壯得四千餘人濬池隍修樓櫓旬浹之間戰守皆備尋遣人送款于河中李守貞遣使齎偽詔授思緒晉昌軍節度使檢校太尉朝廷聞之命郭從義王峻帥師伐之及攻其城王師傷者甚眾乃以長塹圍之經年糧盡遂殺人充食思緒嘗對眾取人膽以酒吞之告眾曰吞此至一千即膽氣無敵矣太平廣記賊臣趙思緒自倡亂至賊凡食人肝六十六無不面剖而膽之二年夏食既盡思緒計無從出時左驍衛上將軍致仕李肅寓居城中因與判官程讓能同言于思緒曰太尉比與國家無嫌但負罪懼誅遂為急計今朝廷三處用兵一城未下太尉若翻然效順率先歸命以功補過庶幾無患若坐守窮城端然待斃則何貴于

智也

洛陽縉紳舊聞記趙思緒主監田副鎮有罪已發李公肅時為環衛將兼雍耀三白渠使雍耀莊宅使節度副使權軍府事護而脫之來謝于李公公歸宅張夫人詰之曰趙思緒庸賤人公何以免其過既來謝又何必見之乎曰某比不言夫人問須言之思緒者雖賤類審觀其狀貌真亂臣賊子恨位下未有朕跡不然除去之可也夫人曰既不能除去何妨以小惠啖之無使銜怨自後夫人密遣人令思緒之妻來參夫人厚以衣物賜之前後與錢物甚多及漢朝公以上將軍告老歸雍未久思緒過雍遂閉門據雍城叛衣冠之族遭塗炭者眾公全家免禍終以計勸思緒納款遂拔雍城

思緒然之即令讓能為章表遣牙將劉成琦入朝制授思緒華州留後檢校太保以常彥卿為虢州刺史遣內臣齎官告國信賜之既受命遲留未發郭從義王峻等籌之曰狼子野心終不可用留之必貽後悔耳既而從義王峻等緩轡入城陳列步騎至牙署遣人召思緒曰太保登途不暇出祖對飲一杯便申此別

思緒至則執之遂斬于市并族其家東都事畧郭從義傳云思緒固甚從義遣人誘之佯許以華州節鉞思緒信之遂開門送款從義入城思緒思緒臨刑市人爭投瓦石以擊之軍吏不能禁是日并部下叛黨新授虢州刺史常彥卿等五百餘人並誅之籍思緒家財得二十餘萬貫入于官始思緒入城丁口僅十餘萬及開

入于官下其故易史思緒遂而不行陰道人入蜀郭威命代我固之性我固入城思緒遂之直上直上則捕之思緒曰何以用刑告者曰王釘也思緒居於此為吾生即也吾生未至塞責於釘謀之賊壯夫所耻幸少假之性我許之父子俱斬于市

城惟餘萬人而已其餓殍之數可知矣

宋史大興表一萬二千九百九十一

飭本錢

舊五代史卷一百九

二十一

舊五代史卷一百九攷證

漢列傳六杜重威傳遣給事中陳觀等

陳觀歐陽史避私諱作

陳同

趙思綰傳即合讓能為表章遣牙將劉成琦入朝 案宋史郭從

義傳作從義繫書矢上射入城中說思綰合降與是書異

并部下叛黨新授虢州刺史常彥卿等五百餘人 案宋史郭從

義傳作 百餘人

滿達勒舊作麻答今改 嘉哩舊作解里今改

舊五代史卷一百九攷證

舊五代史

卷一百九攷證

舊五代史卷一百十

宋薛居正等撰

周書第一

太祖紀一

太祖聖神恭肅文武孝皇帝姓郭氏諱威字文仲邢州堯山人也

或云本常氏之子幼隨母適郭氏故冒其姓焉五代會要周高祖諱

璟廣順初追尊為睿和皇帝廟號信祖陵曰溫陵高祖妣張氏追

諡睿恭皇后曾祖諱諶漢贈太保追尊為明憲皇帝廟號僖祖陵

曰齊陵曾祖妣鄭國夫人申氏追諡明孝皇后祖諱蘊漢贈太傅

追尊為翼順皇帝廟號義祖陵曰節陵五代會要溫陵齊陵節陵皆無陵所遙申朝拜祖妣陳國

夫人韓氏追諡翼敬皇后皇考諱簡漢贈太師追尊為章肅皇帝

廟號慶祖陵曰欽陵皇妣燕國夫人王氏追諡為章德皇后后以

唐天祐元年甲子歲七月二十八日生帝於堯山之舊宅載誕之夕赤光照室有聲如爐炭之裂星火四迸帝生三歲家徙太原居無何皇考爲燕軍所陷歿于王事帝未及齒齟章德太后蚤世姨母楚國夫人韓氏提攜鞠養及長形神魁壯趨向奇崛愛兵好勇不事田產天祐末潞州節度使李嗣昭常山戰歿子繼韜自稱畱後南結梁朝據城阻命乃散金以募豪傑帝時年十八避吏過關依故人常氏遂往應募帝負氣用剛好鬪多力繼韜奇之或踰法犯禁亦多假借焉嘗遊上黨市有市屠壯健眾所畏憚帝以氣凌之因醉命屠割肉小不如意叱之屠者怒坦腹謂帝曰爾敢刺我否帝卽刺其腹市人執之屬吏繼韜惜而逸之其年莊宗平梁繼韜伏誅麾下牙兵配從馬直帝在籍中時年二十一帝性聰敏喜筆劄及從軍旅多閱簿書軍志戎政深窮察肯人皆服其敏嘗省

竹本改
序刊故

昭義李瓊瓊方讀閩外春秋卽取視之曰論兵也兄其教我卽授

之深通義理宋史李瓊傳唐莊宗募勇士卽應募與周祖等十人約爲兄弟一日會飲瓊熟視周祖知非常人因舉酒祝曰凡我十人龍蛇混合異日富貴無相忘苟渝此

言神降之罰皆刺臂出血爲誓周祖與瓊情好尤密嘗造瓊見其危坐讀書因問所讀何書瓊曰此閩外春秋所謂以正守國以奇用兵較存亡治亂記賢愚成敗皆在此也周祖令讀之謂瓊曰兄當教我自是周祖出入常袖以自隨遇暇輒讀每問難瓊謂瓊爲師天成初明宗幸浚郊時宋守殷嬰城拒

命帝從晉高祖一軍率先登城晉祖領副侍衛以帝長于書計召

置麾下令掌軍籍前後將臣無不倚愛初聖穆皇后嬪于帝帝方

匱乏而后多資從東都事略柴后資周太祖以金帛使事漢高祖嘗晝寢有小虺五色出入顴鼻

之間后遽見愕然在太原時有神尼與帝同姓見帝謂李瓊曰我

宗天上大仙頂上有肉角當爲世界主清泰末晉起于河東時河

陽節度使張彥琪爲侍衛步軍都指揮使奉命北伐帝從之營于

晉祠是時屋壞同處數人俱斃唯帝獨無所傷漢高祖爲侍衛馬

步都虞候召置左右所居官舍之鄰吳氏有青衣佳娘者爲山魃

竹本改

所魅鬼能人言而投瓦石鄰伍無敢過吳氏之舍者帝過之其鬼
寂然帝去如故如是者再或謂鬼曰爾既神向者客來又何寂然
鬼曰彼大人者由是軍中異之范延光叛于魏命楊光遠討之帝
當行意不願從或謂帝曰楊公當朝重勳子不欲從何也帝曰楊
公素無英雄氣得我何用能用我其劉公乎漢祖累鎮藩閩皆從
之及鎮并門尤深待遇出入帷幄受腹心之寄帝亦悉心竭力知
無不為及吐渾白可久叛入契丹帝勸漢祖誅白承福等五族得
良馬數千匹財貨百萬計以資軍開運末契丹入汴晉帝北遷帝
與蘇逢吉楊邠史宏肇等勸漢祖建號以副人望漢高祖即位晉
陽時百度草創四方猶梗經綸締構帝有力焉授權樞密副使檢
校司徒漢高祖至汴正授樞密副使檢校太保乾祐元年春漢高
祖不豫及大漸與蘇逢吉等同受顧命隱帝嗣位拜樞密使加檢

校太尉舊制樞密使未加使相者不宣麻制至是宣之自帝始也

東都事略魏仁溥傳仁溥少為刀筆吏隸樞密院太祖問以有頃河中李守貞據城

反朝廷憂之諸大臣共議進取之計史宏肇曰守貞河陽一客司

耳竟何能為帝曰守貞雖不習戎行然善接英豪得人死力亦勅

敵宜審料之乃命白文珂常思率兵攻取師未至而趙思綰竊據

永興王景崇反狀亦露朝廷遣郭從義王峻討趙思綰七月西面

師徒大集未果進取其月十三日制授帝同平章事即遣西征以

安慰招撫為名詔西面諸軍並取帝節度時論以白文珂常思非

守貞之敵聞帝西行羣情大恟

宋史李穀傳周祖討河中穀掌轉運時周祖已

有人望潛貯異志屢以諷穀穀但對以人臣當

命白文珂營于河西帝營于河東不數日周設長蘄復築長連城

思綰不棄河陽史作三月河中
李守貞亦與趙思綰鳳翔王
景崇相次反薛史隱帝幸他思
綰叛在四月景崇叛在七月非三月
宋史隱帝三月守貞反而李連
書之耳

宋史下卷五代春秋七月帝
幸河陽河中據此則用祖以八
月入也於及京師也七月即河
中也薛史隱帝幸他思綰
正見誤也

宋史
宋史

河北諸州凡事一稟帝節度帝將北行啓漢帝曰陛下富有春秋萬幾之事宜審于聽斷文武大臣乃心王室凡事諮詢卽無敗失漢帝斂容謝之帝至鄴盡去煩弊之事不數月閭政有序一方晏然詔書褒美一夕在山亭院齋中忽有黃氣起于前上際于天帝于黃氣中見星文紫微文昌爛然在目既而告之星者曰予于室中見天象不其異乎對曰坐見天衢物不能隔至貴之祥也異日牙署中有紫氣起于幡竿龍首凡三日十一月十四日澶州節度使李洪義侍衛步軍都指揮使王殷遣澶州副使陳光穗至鄴都報京師有變是月十三日旦羣小等害史宏肇等前一夕李業等遣心腹齋密詔至澶州令李洪義殺王殷又令護聖左廂都指揮使郭崇等害帝于鄴城十三日洪義受得密詔恐事不濟乃以密詔示王殷殷與洪義卽遣陳光穗馳報于帝十四日帝方與宣徽

使王峻坐議邊事忽得洪義文字遽歸牙署峻亦未知其事帝初知楊史諸公被誅神情惘然又見移禍及已伸訴無所卽集三軍將校諭之曰予從微至著輔佐國家先皇登遐親受顧託與楊史諸公彈壓經謀忘寢與食一旦無狀盡已誅夷今有詔來取予首級爾等宜奉行詔旨斷予首以報天子各圖功業且不累諸君也崇等與諸將校泣于前言曰此事必非聖意卽是左右小人誣罔竊發假令此輩握重柄國得安乎宜得投論以判忠佞何事信單車之使而自棄千載之下空受惡名崇等願從明公入朝面自洗雪除君側之惡共安天下眾然之遂請帝南行帝卽嚴駕首途十六日至澶州王殷迎謁慟哭時隱帝遣小豎驚脫偵鄴軍所在爲游騎所執帝卽遣迴令附奏隱帝赴闕之由仍以密奏置驚脫衣領中奏曰臣發迹寒賤遭遇聖明旣富且貴實過平生之望唯思

報國敢有他圖今奉詔命忽令郭崇等殺臣即時俟死而諸軍不肯行刑逼臣赴闕令臣請罪上前仍言致有此事必是陛下左右譖臣耳今驚脫至此天假其便得伸臣心三五日當及闕朝陛下若以臣有欺天之罪臣豈敢惜死若實有譖臣者乞陛下縛送軍前以快三軍之意則臣雖死無恨今託驚脫附奏以聞十七日帝至滑州節度使宋延渥開門迎納帝將發滑臺召將士謂之曰主上爲讒邪所惑誅殺勳臣吾之此來事不獲已然以臣拒君寧論曲直汝等家在京師不如奉行前詔我以一死謝天子實無所恨將校前啓曰國家負公公不負國請公速行無遲久安邦雪怨正在此時旣王峻諭軍曰我得公處分俟平定京城許爾等旬日剽掠眾皆踊躍十九日隱帝遣左神武統軍袁義前鄧州節度使劉重進率禁軍來拒與前開封尹侯益等屯赤岡是夜俱退二十日

隱帝整陣于劉子坡二十一日兩陣俱列慕容彥超率軍奮擊帝遣何福進王彥超李筠等大合騎以乘之慕容彥超退却死者百餘人于是南軍奪氣稍稍奔于北軍慕容彥超與數十騎東奔兗州吳虔裕張彥超等相繼來見帝是夜侯益焦繼勳潛至帝營帝慰勞遣還二十二日日郭允明弒漢隱帝于北郊初官軍之敗帝謂宋延渥曰爾國親可速往衛主上兼附奏請陛下得便速奔臣軍免爲左右所圖及延渥至亂兵雲合卽惶駭而還是日帝望見天子旌旗于高坡之上謂隱帝在其下卽免胄釋馬而前左右慮有不測請帝止帝泣曰吾君在此又何憂焉及至前隱帝已去矣帝歔歔久之俄聞隱帝遇弒號慟不已帝至元化門劉鈺雨射城外帝迴車自迎春門入諸軍大掠煙火四發帝止于舊策何福進以部下兵守明德門翌日王殷郭崇言曰若不止標掠比夜化爲

空城耳由是諸將部分斬其剽者至晡乃定帝與王峻詣太后宮起居請立嗣君乃以高祖姪徐州節度使贊入繼大統語在漢紀二十七日帝以嗣君未至請太后臨朝會鎮定州馳奏契丹入寇河北諸州告急太后命帝北征十二月一日帝發離京師四日至滑州駐馬數日會湘陰公遣使慰勞諸將受宣之際相顧不拜皆竊言曰我輩陷京師各各負罪若劉氏復立則無種矣或有以其言告帝者帝愕然卽時進途十六日至澶州是日旭旦日邊有紫氣來當帝之馬首十九日下令諸軍進發二十日諸軍將士大譟趨驛如墻而進帝閉門拒之軍士登墻越屋而入請帝爲天子亂軍山積登階匝陛扶抱擁迫或有裂黃旗以蔽帝體以代赭袍山呼震地帝在萬眾之中聲氣沮喪悶絕數四左右親衛星散鼠匿帝卽登城樓稍得安息諸軍遂擁帝南行時河水初解浮梁未構

是夜北風凜烈比旦冰堅可渡諸軍遂濟眾謂之凌橋濟竟冰泮時人異之時湘陰公已駐宋州樞密使王峻在京聞澶州之變遣侍衛馬軍指揮使郭崇率七百騎赴宋州以衛湘陰公二十五日帝至七里店羣臣謁見遂營于臯門村二十七日漢太后令曰樞密使侍中郭威以英武之才兼內外之任翦除禍亂宏濟艱難功業格天人望冠世今則軍民愛戴朝野推崇宜總萬幾以允羣議可監國中外庶事並取監國處分二十八日監國教曰寡人出自軍戎本無德望因緣際會叨竊寵靈高祖皇帝甫任經綸待之心腹洎登大位尋付重權當顧命之時受忍死之寄與諸勳舊輔立嗣君旋屬三叛連衡四郊多壘謬膺朝旨委以專征兼守重藩俾當勅敵敢不橫身戮力竭節盡心冀肅靜于疆場用保安于宗社不謂奸邪構亂將相連誅偶脫鋒鏃克平患難志安劉氏願報漢

恩推擇長君以紹丕構遂奏太后請立徐州相公奉迎已在于道
途行李未及于都輦尋以北面事急寇騎深侵遂領師徑往掩
襲行次近鎮已渡洪河十二月二十日將登澶州軍情忽變旌旗
倒指喊叫連天引袂牽襟迫請爲主環繞而逃避無所紛紜而逼
脅愈堅頃刻之間安危莫保事不獲已須至徇從于是馬步諸軍
擁至京闕今奉太后詔旨以時運艱危機務難曠俾令監國遜避
無由僂俛遵承夙夜憂愧云時文武百官內外將帥藩臣郡守等
相繼上表勸進三十日夜御營西北隅步軍將校因醉揚言昨澶
州馬軍扶策今步軍亦欲扶策尋令虞候詰其姓名昧旦擒而斬
之其一軍仍納甲仗遣中使監送就糧所
廣順元年春正月丁卯漢太后誥曰邃古已來受命相繼是不一
姓傳諸百王莫不人心順之則興天命去之則廢昭然事迹著在

典書予否運所丁遭家不造奸邪構亂朋黨橫行大臣冤枉以被
誅少主倉卒而及禍人自作孽天道寧論監國威深念漢恩切安
劉氏旣平亂略復正頽綱思固護于基扃擇繼嗣于宗室而獄訟
盡歸于西伯謳謠不在于丹朱六師竭推戴之誠萬國仰欽明之
德鼎革斯契圖錄有歸予作佳賓固以爲幸今奉符寶授監國可
卽皇帝位於戲天祿在躬神器自至允集天命永綏兆民敬之哉
是日帝自臯門入大內御崇元殿卽皇帝位制曰自古受命之君
興邦建統莫不上符天意下順人心是以夏德旣衰爰啓有商之
祚炎風不競肇開皇魏之基朕早事前朝久居重位受遺輔政敢
忘伊霍之忠仗鉞臨戎復委韓彭之任匪躬盡瘁焦思勞心討叛
渙於河潼張聲援于岐雍竟平大憝粗立微勞纔旋旆于關西尋
統兵于河朔訓齊師旅固護邊陲只將身許國家不以賊遺君父

外憂少息內患俄生羣小運謀大臣遇害棟梁既壞社稷將傾朕方在藩維以遭讒構逃一生于萬死徑赴闕廷梟四罪於九衢幸安區宇將延漢祚擇立劉宗徵命已行軍情忽變朕以眾庶所迫逃避無由扶擁至京尊戴為主重以中外勸進方岳推崇僣俛雖順于羣心臨御實慙于涼德改元建號祇率于舊章革故鼎新宜覃于霈澤朕本姬氏之遠裔號叔之後昆積慶累功格天光表盛德既延于百世大命復集于眇躬今建國宜以大周爲號可改漢乾祐四年爲廣順元年自正月五日昧爽已前應天下罪人常赦所不原者咸赦除之故樞密使楊邠侍衛都指揮使史宏肇三司使王章等以勞定國盡節致君千載逢時一旦同命悲感行路憤結重泉雖尋雪于沈寃宜更伸于渥澤並可加等追贈備禮歸葬葬事官給仍訪子孫敘用其餘同遭枉害者亦與追贈馬步諸軍

將士等戮力叶誠輸忠効義先則平持內難後乃推戴朕躬言念勳勞所宜旌賞其原屬將士等各與等第超加恩命仍賜功臣名號已帶功臣者別與改賜應左降官未量移者與量移已量移者與復資已復資者量加敘錄亡官失爵之人宜與齒用配流徒役人並許放還諸處有犯罪逃亡之人及山林草寇等一切不問如赦到後一月不歸本業者復罪如初內外前任見任文武官寮致仕官各與加恩應在朝文武臣寮內諸司使諸道行軍副使藩方馬步都指揮使如父母在未有恩澤者卽與恩澤已有者更與恩澤如亡沒未曾追封贈者亦與封贈已封贈者更與封贈應天下州縣所欠乾祐四年二月已前夏秋殘稅及沿徵物色并三年夏稅諸色殘欠並與除放澶州已來官路兩邊共二十里內并乾祐三年殘稅欠稅並與除放應河北沿邊州縣自去年九月後來會

經契丹蹂躪處其人戶應欠乾祐三年終已前積年殘欠諸色稅物並與除放應係三司主持錢穀敗闕場院官取乾祐元年終已前徵納外灼然無抵當者委三司分析聞奏天下倉場庫務宜令節度使專切鈐轄掌納官吏一依省條指揮不得別納斛餘秤耗舊來所進羨餘物色今後一切停罷應乘輿服御之物不得過爲華飾宮闈器用務從樸素大官常膳一切減損諸道所有進奉以助軍國之費其珍巧纖華及奇禽異獸鷹犬之類不得輒有獻貢諸無用之物不急之務並宜停罷帝王之道德化爲先崇飾虛名朕所不取苟致治之未洽雖多端以奚爲今後諸道所有祥瑞不得輒有奏獻古者用刑本期止辟今茲作法義切禁非蓋承弊之時非猛則奸兇難制及知勸之後在寬則典憲得宜相時而行庶臻中道今後應犯竊盜賊贓及和姦者並依晉天福元年已前條

制施行應諸犯罪人等除反逆罪外其罪並不得籍沒家產誅及骨肉一依格令處分天下諸侯皆有親戚自可慎擇委任必當克効參裨朝廷選差理或未當宜矯前失庶叶通規其先于在京諸司差軍將充諸州郡元從都押衙孔目官內知客等並可停廢仍勒却還舊處職役近代帝王陵寢合禁樵採唐莊宗明宗晉高祖各置守陵十戶以近陵人戶充漢高祖皇帝陵署職員及守官人時日薦饗並守陵人戶等一切如故仍以晉漢之冑爲二王後委中書門下處分云司天上言今國家建號以木德代水準經法國以姓墓爲臘請以未日爲臘從之時議者曰昔武王勝商歲集于房國家受命金木集于房文王厄羗里而卦遇明夷帝脫于鄴大衍之數復得明夷則周爲國號符于文武矣先是丁未年夏六月土金木火四星聚于張占者云當有帝王興于周者故漢祖建國

由平陽陝服趨洛陽以應之及隱帝將嗣位封周王以符其事而帝以姬號之貴復繼宗周而天人之契炳然矣昔武王以木德王天下宇文周亦乘木德而三朝皆以木代水不其異乎戊辰前曹州防禦使何福進受宣權徐州節度使前復州防禦使王彥超受宣權徐州節度使前澶州節度使李洪義受宣權宋州節度使己巳上漢太后尊號曰昭聖皇太后是日詔有司擇日為故主發哀五代會要載原赦云漢高祖為義帝發喪魏明帝正神陵尊號一時達禮千古所稱况朕久事前朝常參大政雖遷虞事夏見奪于羣情而四海九州咸知子夙志宜令所擇日為故主舉哀仍備山陵葬禮辛未有司上言皇帝為故主舉哀日服縞素直領深衣腰經等成服畢祭奠不視朝七日坊市禁音樂文武內外臣僚成服後每日赴太平宮臨三日止七日釋服至山陵啓攢塗日服初服輜車出城班辭釋服從之壬申前博州刺史李筠受宣權滑州節度使癸酉樞密使檢校太傅王峻加同平章事以前澶州節度使李

洪義為宋州節度使加同平章事以滑州節度副使陳觀為左散騎常侍鄴都畱守判官王溥為左諫議大夫並充樞密院直學士以元從都押衙鄭仁誨為客省使知客押牙向訓為宮苑使北京畱守劉崇遣押衙鞏廷美致書求劉贊歸藩帝報曰朕在澶州之時軍情推戴之際先差來直省李光美備見必想具言而况遐邇所聞在後盡當知悉湘陰公比在宋州駐泊見令般取赴京但勿憂疑必令得所惟公在彼固請安心若能同力扶持別無顧慮即當便封王爵永鎮北門鐵券丹書必無愛惜其諸情素並令來人口宣遣千牛衛將軍朱憲充入契丹使先是去年契丹永康王烏裕寇邢趙陷內邱及迴烏裕遣使與漢隱帝書通鑑契丹之攻內邱也死傷頗多又值月食軍中多妖異契丹主不敢深入引兵還遣使請和于漢使至境上會朝廷有蕭牆之變帝定京城迴至澶州遇蕃使至遂與人朝至是遣朱憲伴送來使歸蕃兼致書敘革

命之由仍以金酒器一副玉帶一遺屬裕晉州節度使王晏殺行
軍司馬徐建以通河東聞之亥郟州節度使守太師兼中書令齊
王高行周進位尚書令襄州節度使檢校太師守太傅兼中書令
齊國公安審琦進封南陽王青州節度使檢校太師守太保兼中
書令魏國公符彥卿進封淮陽王夔州節度使侍衛親軍馬步軍
都指揮使檢校太傅王殷加同平章事充鄴都留守典軍如故丙
子帝赴太平宮為漢隱帝發喪百官陪位如儀是日湘陰公元從
右都押衙鞏廷美教練使楊温等據徐州以拒命帝遣新授節度
使王彥超率兵馳赴之仍賜廷美等勅書通鑑帝復遣劉贊書曰爰念斯人
以梅尤俟新節度入城當各
除刺史公可更以委曲示之丁丑荆南高保融奏去年十一月朗州節度
使馬希萼破潭州十二月十八日縊殺馬希廣至十九日希萼自
稱天策上將軍武平靜江寧遠等軍節度使嗣楚王戊寅湘陰公

殂己卯以前太師齊國公馮道為中書令宏文館大學士以司徒
兼門下侍郎同平章事宏文館大學士竇貞固為侍中兼修國史
以左僕射平章事集賢殿大學士蘇禹珪為守司空平章事夏州
節度使李彝興進封隴西郡王荆南高保融進封渤海郡王靈武
馮暉進封陳畱郡王西京白文珂兗州慕容彥超鳳翔趙暉並加
兼中書令詔王彥超率兵攻徐州庚辰故樞密使左僕射平章事
楊邠進封恒農郡王故宋州節度使兼侍衛親軍都指揮使史宏
肇進封鄭王故三司使檢校太尉平章事王章進封瑯琊郡王是
日詔曰朕以眇末之身託于王公之上懼德弗類撫躬靡遑豈可
化未及人而過自奉養道未方古而不知節量與其耗費以勞人
曷若儉約而克已昨者所頒赦令已述至懷宮闈服御之所須悉
從減損珍巧織奇之厥貢並使寢停尚有未該再宜條舉應天下

州府舊貢滋味食饌之物所宜除減其兩浙進細酒海味薑瓜湖
南枕子茶乳糖白沙糖橄欖子鎮州高公米水梨易定粟子河東
白社黎米粉菜豆粉玉屑粃子麪永興御田紅杭米新大麥麵興
平蘇粟子華州麝香羚羊角熊膽獺肝朱柿熊白河中樹紅棗五
味子輕錫同州石鏃餅晉絳葡萄黃消梨陝府鳳栖黎襄州紫薑
新筍橘子安州折粳米糟味青州水梨河陽諸雜果子許州御李
子鄭州新筍鵝梨懷州寒食杏仁申州蘘荷亳州草薺沿淮州郡
淮白魚如聞此等之物雖皆出于土產亦有取于民家未免勞煩
率皆糜費加之力役負荷馳驅道途積于有司之中甚為無用之
物今後並不須進奉諸州府更有舊例所進食味其未該者宜奏
取進止又詔在朝文武臣寮各上封事凡有益國利民之事速具
以聞通鑑詔曰朕生長軍旅不親學問未知治天下之道文武官
有益國利民之術各具封事以聞咸宜直書其事勿事辭藻辛巳鎮州武行德

晉州王晏相州張彥成潞州常思邠州侯章並加兼侍中以侍衛
馬軍都指揮使果州防禦使檢校太保郭崇為洋州節度使檢校
太傅典軍如故以侍衛步軍都指揮使岳州防禦使曹英為利州
節度使檢校太傅典軍如故癸未涇州史懿延州高允權滄州王
景永興郭從義定州孫方簡並加兼侍中鄜州楊信同州薛懷讓
貝州王繼宏並加同平章事乙酉華州王饒河中扈彥珂鄧州折
從阮邢州劉訶並加同平章事丙戌幸西莊潞州奏得石會關使
王延美報河東劉崇于正月十六日僭號丁亥以前澶州節度使
李洪義為宋州節度使加同平章事以曹州防禦使北面行營馬
步都排陣使何福進為許州節度使加檢校太傅以博州刺史北
面行營右廂排陣使李筠為滑州節度使加檢校太保戊子有司
上言準赦書以晉漢之曹為二王後其唐五廟仲祀合廢從之庚

又十月廿四日午刻

實宗正寺奏請以晉漢故事遷漢七廟神主入昇平宮行仲享之禮以漢宗子為三獻從之

永樂大典卷八千九百六十一

舊五代史卷一百十

二十三

舊五代史卷一百十攷證

周太祖紀一八月六日帝發離京師二十日師至河中 案五代

春秋作七月郭威率師圍河中據此紀則周太祖以八月六日

始發京師非七月即圍河中也是書漢隱帝紀與此紀互異攷

證見漢紀

城陷守貞舉家自焚而死 案歐陽史周本紀云守貞與妻子自

焚死思縮景崇相次降今攷是書漢紀五月乙丑趙思縮乞降

七月甲子郭威奏收復河中守貞自燔死是思縮之降在守貞

自焚之前也又云三年正月趙暉奏收復鳳翔王景崇自燔死

是景崇未嘗降也歐陽史漢本紀亦先載趙思縮降後書克河

中王景崇傳亦作景崇自燔死紀傳前後自相矛盾當以是書

為得其實

舊五代史卷一百一十一
戊寅湘陰公殂 案歐陽史作十二月王峻遣郭崇以騎兵七百
逆劉贇于宋州殺之通鑑作正月戊寅殺湘陰公于宋州
烏裕舊作兀欲今改

舊五代史卷一百一十一攷證

舊五代史卷一百一十一

宋 薛 居 正 等 撰

周書第二

太祖紀二

廣順元年春二月癸巳朔以樞密副使尚書戶部侍郎范質爲兵
部侍郎依前充職以陳州刺史判三司李穀爲戶部侍郎判三司
以右金吾大將軍充街使翟光鄴爲左千牛衛上將軍充宣徽北
院使以宣徽北院使袁義爲左武衛上將軍充宣徽南院使以左
右金吾大將軍充街使符彥琳爲右監門上將軍丁酉以皇子天
雄軍牙內都指揮使檢校右僕射貴州刺史榮起復爲澶州節度
使檢校太保以右金吾上將軍薛可言爲右龍武統軍以左神武
統軍安審約爲左羽林統軍以左驍衛上將軍趙贇爲右羽林統

軍以太子太師致仕宋彥筠爲左衛上將軍詔移生吐渾族帳于潞州長子縣江猪嶺己亥以左武衛上將軍劉遂凝爲左神武統軍以左衛上將軍焦繼勳爲右神武統軍以左領衛上將軍史佺爲右衛上將軍庚子故吳國夫人張氏追贈貴妃故皇第三女追封樂安公主故第二子青哥贈太保賜名侗第三子意哥贈司空賜名信故長婦劉氏追封彭城郡夫人皇姪三人守筠贈左領軍將軍改名愿奉超贈左監門將軍定哥贈左千牛衛將軍賜名遜故皇孫三人宜哥贈左驍衛大將軍賜名誼喜哥贈武衛大將軍賜名誠三哥贈左領衛左將軍賜名誠辛丑西州回鶻遣使貢方物前開封尹魯國公侯益進封楚國公前西京畱守莒國公李從敏進封秦國公前西京畱守王守恩進封莒國公癸卯以前中書侍郎兼戶部尚書平章事李濤爲太子賓客詔宣徽南院使袁義

仍本要

仍本七

權知開封府事以太子太保和凝爲太子太傅丙午晉州王異奏河東劉崇遣僞招討使劉鈞副招討使白截海率步騎萬餘人來攻州城以今月五日五道齊攻率州兵拒之賊軍傷死甚眾宋史王崇宋史王侵晉州晏閉關不出設伏城上并人以為怯競舉堞而登晏麾兵擊之顛死者甚眾海焚橋遁晏遣于衆倫追北數十里斬首百餘級銀結縷寶裝牀几飲食之具數十碎之于殿廷帝謂侍臣曰凡爲帝王安用此乃詔所司凡珍華悅目之物不得入宮先是回鶻間歲入貢禁民不得與蕃人市易寶貨至是一聽私便交易官不禁詰丁未左千牛將軍朱憲使契丹迴契丹主鶻稱遣使郭濟獻良馬一駟賀登極戊申詔曰朕祇膺景命奄有中區每思順物之情從眾之欲將使照臨之下多寄食儲舍之徒歲月之間動懷土念家之思宜循大體用革前規應諸道州府有前資朝官居住如未赴京不得發遣其行軍副使以下幕職州縣官等得替求官自有

仍本七

月限年月未滿一聽外居如非時詔徵不在此限己酉有司議立四親廟從之辛亥以太子少傅楊凝式為太子少師以太常卿張昭為戶部尚書以尚書左丞王易為禮部尚書以兵部侍郎邊蔚為太常卿以翰林學士中書舍人魚崇諒為工部侍郎充職以戶部侍郎韋勳為兵部侍郎以刑部侍郎邊歸讜為戶部侍郎禮部侍郎司徒詡為刑部侍郎以秘書監趙上交為禮部侍郎以兵部尚書王仁裕為太子少保以翰林學士禮部尚書張沆為刑部尚書充職以尚書右丞田敏為左丞以吏部侍郎段希堯為工部尚書以太子詹事馬裔孫為太子賓客前鄜州節度使劉重進前滑州節度使宋延渥並加食邑吐渾府畱後王全德加檢校太保充憲州刺史隰州刺史許遷奏河東賊軍劉筠自晉州引兵來攻州城尋以州兵拒之賊軍傷死者五百人信宿遁去丁巳以尚書左

齊到有以

丞田敏充契丹國信使回鶻遣使貢方物己未天德軍節度使魏國公郭勳加同平章事前宗正卿劉暉為衛尉卿辛酉以衛尉卿邊光範為祕書監以前吏部侍郎李詳為戶部侍郎以前戶部侍郎顏衍為尚書右丞三月壬戌朔前西京畱守李從敏卒戊辰以前左武衛上將軍李懷忠為太子太傅致仕以前邢州節度使安審暉為太子太師致仕辛未幸南莊壬申詔曰諸州府先差散從親事官等前朝創置蓋出權宜苟便一時本非舊貫近者遍詢羣議兼採封章且言前件抽差于理不甚允當一則礙州縣之色役一則妨春夏之耕耘貧乏者困于供須豪富者幸于影庇既為煩擾須至改更况當東作之時宜罷不急之務其諸州所差散從親事官等並宜放散詔下公私便之徐州行營都部署王彥超馳奏收復徐州詔曰逆首楊溫及親近徒黨並處斬其餘無名目人及

鈔本左

本城軍都將校職掌吏民等雖被脅從本非同惡並釋放兼知自
前楊溫招喚草賊同力守把朕以村墅小民偶被扇誘念其庸賤
特與含容其招入城草賊並放歸農仍倍加安撫湘陰公夫人並
骨肉在彼仰差人安撫守護勿令驚恐以右散騎常侍張煦給事
中王延靄並爲左散騎常侍以前大名府少尹李瓊爲將作監以
前彰武軍節度使周密爲太子太師致仕以衛尉卿劉皞充漢隱
帝山陵都部署丙子以太子少保致仕王延爲太子少傅以戶部
尚書致仕盧損左驍衛上將軍致仕李肅並爲太子少保兵部尚
書致仕韓昭允爲尚書右僕射太子太師致仕盧文紀爲司空自
延而下並依前致仕故散騎常侍裴羽贈戶部尚書故太子賓客
蕭愿贈禮部尚書以司農卿致仕薛仁謙爲鴻臚卿以將作監致
仕烏昭爲太府卿以太常少卿致仕王禧爲少府監以秘書少監

致仕段彥爲將作監自仁謙而下並依前致仕詔沿淮州縣軍鎮
今後自守疆土不得縱一人一騎擅入淮南地分已卯潞州奏涉
縣所擒河東將士二百餘人部送赴闕詔給衫袴巾履放歸本土
甲申鎮州武行德移鎮許州何福進移鎮鎮州丙戌以襄州節度
副使郭令圖爲宗正卿詔曰故蘇逢吉劉銖頃在漢朝與朕同事
朕自平禍亂不念仇讐尋示優宏與全家屬尙以幼稚無託衣食
是艱將行矜恤之恩俾獲生存之路報怨以德非我負人賜逢吉
骨肉洛京莊宅各一賜劉銖骨肉陝州莊宅各一己丑幸南莊庚
寅唐故郇國公李從益追封許王唐明宗淑妃王氏追贈賢妃辛
卯詔諸道節度副使行軍司馬兩京少尹畱守判官並許差定當
直人力不得過十五人諸府少尹書記支使防禦團練副使不得
過十人節度推官防禦團練軍事判官不得過七人逐處係帳收

管此外如敢額外影占人戶其本官當行朝典先是漢隱帝時有人上言州府從事令錄皆請料錢自合雇人驅使不合差遣百姓丁戶秉政者然之乃下詔州府從事令錄本處先差職役並放歸農自是官吏有獨行趨府縣者帝頗知之故有是命夏四月壬辰朔詔沿淮州縣許淮南人就淮北糴易餼糧時淮南饑故也甲午以夫人董氏爲德妃仍令所司備禮冊命己亥改侍衛馬步軍軍額馬軍舊稱護聖今改爲龍捷步軍舊稱奉國今改爲虎捷壬寅詔唐莊宗明宗晉高祖三處陵寢各有守陵宮人並放逐便如願在陵所者依舊供給甲辰相州張彥成移鎮鄧州折從阮移鎮滑州李筠移鎮相州丙午亳州防禦使王重胤卒戊申幸南莊庚戌皇第四女封壽安公主辛亥故許州節度使劉信追封蔡王丙辰詔曰牧守之任委遇非輕分憂之務旣同制祿之數宜等自前有

富庶之郡請給則優或邊遠之州俸料素薄以至遷除之際擬議亦難旣論資敘之高低又慮祿秩之升降所宜分多益寡均利同恩冀無黨無偏以勸勳效今定諸防禦使料錢二百貫祿粟一百石食鹽五石馬十四匹草粟元隨三十人衣糧團練使一百五十貫祿粟七十石鹽五石馬十四匹元隨三十人刺史一百貫祿粟五十石鹽五石馬五匹元隨二十人云丁巳尙書左丞田敏使契丹迴契丹主鴉裕遣使努翹報命并獻碧玉金塗銀裏鞍勒各一副弓矢器仗貂裘等土產馬三十四匹土產漢馬十四匹庚申帝爲故貴妃張氏舉哀于舊宮輟視朝三日辛酉司空致仕盧文紀卒五月壬戌朔帝不視朝以漢隱帝梓宮在殯故也戊寅皇子澶州節度使榮起復依前澶州節度使以故貴妃張氏去歲薨至是發哀故也己巳遣左金吾衛將軍姚漢英前右神武將軍華光裔使于契丹

胡下舊作將姑今改云

辛未太常卿邊蔚上追尊四廟諡議是夜有大星如五升器流于東北有聲如雷丙子太常卿邊蔚上太廟四室奠獻舞名丁丑詔京兆鳳翔府應諸色犯事人第宅莊園店礎已經籍沒者並給付罪人骨肉壬午幸南莊甲申考城縣巡檢供奉官馬希勅棄市以匿赦書殺獄囚也丙戌宰臣馮道爲四廟冊禮使六月辛卯朔不視朝以漢隱帝梓宮在殯故也甲午百寮上表請以七月二十八日皇帝降聖日爲永壽節從之邢州大雨霖己亥太常少卿劉悅上漢少帝諡曰隱皇帝陵曰穎陵從之辛亥以樞密使王峻爲尙書左僕射兼門下侍郎同平章事監修國史充樞密使以樞密副使尙書兵部侍郎范質爲中書侍郎同平章事充集賢殿大學士以戶部侍郎判三司李穀爲中書侍郎同平章事判三司司徒兼侍中監修國史竇貞固司空兼中書侍郎同平章事集賢殿大學

士蘇禹珪並罷相守本官壬子幸西莊癸丑詔宰臣范質參知樞密院事鄴都洛滄貝等州大雨霖丙辰西京奏新授宗正卿郭令圖卒丁巳以尙書左丞顏衎爲兵部侍郎充端明殿學士以宣徽北院使翟光鄴兼樞密副使秋七月辛酉朔帝被袞冕御崇元殿授太廟四室寶冊于中書令馮道等赴西京行禮癸亥尙書左丞田敏兼判國子監事戊辰以御史中丞于德辰爲尙書右丞以祕書監邊光範爲太子賓客以戶部尙書張昭爲太子賓客以其子秉爲陽翟簿犯法抵罪昭詣閣待罪詔釋之乃左授此官壬申史官賈緯等以所撰晉高祖實錄三十卷少帝實錄二十卷上之內子幸宰臣王峻第己丑鎮州奏破河東賊軍于平山縣西斬首五百級是日太常卿邊蔚奏議改郊廟舞名事具樂志八月辛卯漢隱帝梓宮發引帝詣太平宮臨奠詔羣臣出祖于西郊是歲幽州

饑流人散入滄州界詔流人至者口給斗粟仍給無主土田令取
便種蒔放免差稅癸巳虎入西京修行寺傷人市民殺之乙未幸
班荆館王寅契丹遣幽州牙將曹繼筠來歸故晉中書令趙瑩之
喪詔贈太傅仍賜其子絹五百匹以備喪事歸葬於華陰故里乙
巳幸西莊壬子晉州王晏移鎮徐州滄州王景移鎮河中定州孫
方簡移鎮華州永興郭從義移鎮許州貝州王繼宏移鎮河陽李
暉移鎮滄州以許州節度使武行德爲西京畱守滑州折從阮移
鎮陝州河中扈彥珂移鎮滑州陝州李洪信移鎮永興華州王饒
移鎮貝州徐州王彥超移鎮晉州丙辰尙食李氏等宮官八人並
封縣君司記劉氏等六人並封郡夫人尙宮皇甫氏等三人並封
國夫人唐制有內官宮官各有司存更不加郡國之號近代加之
非舊典也以易州刺史孫行友爲定州畱後戊午故夫人柴氏追

仙本琦

仙本支

立爲皇后仍令所司定諡備禮冊命九月庚申朔帝詣太平宮起
居漢太后辛酉故夫人楊氏追贈淑妃仍令所司擇日備禮冊命
故皇第五女追封永寧公主癸亥定州奏契丹永康王烏裕爲部
下所殺以前耀州團練使武廷翰太子少保致仕丙子諸道兵馬
都元帥兩浙節度使檢校少師尙書令中書令吳越國王錢俶加
天下兵馬都元帥丁丑中書舍人劉濤責授少府少監分司西京
坐遣男頊代草制詞也監察御史劉頊責授復州司戶坐代父草
制也中書舍人楊昭儉解官放逐私便以多在假告不親其職也

仙本可

教下李泰史世宗以九月始受
遇赦不應官州而能于癸亥入
奏疑原欠有并誤

西四日午後

舊五代史卷一百一十一攷證

周太祖紀二相州張彥成 張彥成原本作彥威今據列傳改正

丙子幸宰臣王峻第 案丙子歐陽史作戊寅

癸亥定州奏契丹永康王烏裕為部下所殺 案遼史世宗以九

月癸亥遇弑不應定州即能于癸亥入奏疑原文有舛誤

烏裕舊作兀欲今改 郭濟舊作骨支今改 努瑚舊作耨姑今

改

舊五代史卷一百一十一攷證

正升與谷一百一

題

無餘音竹下於今如

自

國

國

書



